

皇明續紀三朝法傳全錄

皇明續紀三朝法傳錄卷十四

西湖高汝栻輯

乙丑天啓五年三月削少詹張鶴甘肅巡撫李若星湖廣巡撫熊明遇籍爲民薊遼總督吳用先冠帶閑住降御史喬承詔於外奪其三級

以爲詐病要名養資驕慢若星通賄於汪文言謀升巡撫承詔錯舉解經刑差滿不同道考察用先則王大年論之明遇則戶科薛某論其黨庇游士任也

起文球爲兵部右侍郎協理京營戎政張曉爲僉都御史巡撫宣府○詔肅寧縣建坊賜勅旌獎東廠大監魏

忠賢并膺其弟任一人。都督僉事銀幣羊酒有差。

先是緝獲李承恩。按用龍衣已廢。其男希孔爲正千戶矣。茲崔呈秀奏其捐貲修城。功高保障。故有是舉。○又聞忠賢托朱廷禧轉浼保定巡撫張鳳翼爲具題。坊延禧峻拒之曰。此人性執。言之無益。璫意拂然。呈秀遂懷臂上疏。劾延禧去。

刑科給事解學龍言。聖治維新。寰宇向化。因視學大典。俯獻芹曝。畧謂叩魯壁之琴瑟。對闕里之衣冠。而思夫水有瀾。木有本。而能不惕乎緝熙願諱之尚。而思夫禮從周。樂從韶。能不動夫祖述憲章之想。而思夫簪紱抵目於鼓篋。儒林昂首於麋弦。而能不觸夫菁莪造士。壽考作人之念。而思夫期門脫劔。以習經。匈奴遣子而入。

侍而能不厯夫文德幸與異類咸賓之感。以至理財無策。捉衿不支。乃屯政涓滴之所入。既不足當一飽。而墮策鼓鑄。方期收子母生生之利。詎意又有攘臂言差。以壞其成者矣。則生財有大道。國計不可不周也。東西烽火。騷動不寧。乃師旅不知早防。既有覆軍殺將之慘。而黥局輕進。取敗危於累卵。邊將失策。逆肆喧傳。捐威辱國。莫此爲甚。則一怒而安天下。廟筭不可不周也。民爲邦本。本固邦寧。乃三吳水患。方殷。人人有廢箸之嘆。而省直旱魃爲害。微雨不足以爲潤。又迫迫乎有倒懸之憂也。任土均平。於禹貢。憫農注念於豳風。則民依不可

不惜也。誰司人牧。惟有司是賴。乃火耗嚴矣。而府而司。而部。層層勒兌。此仰遵。皇上之明禁否乎。逋負寬矣。而預征而帶征。而壓征。頭緒不清。此仰體。皇上之德意否乎。虞廷兼資於九牧。戰國猶戒于繭絲。則吏治不可不勅也。○上遣內臣司禮太監王敏政、御馬監太監胡良甫、齎捧詔諭、覓服冊封李倧爲朝鮮國王。道反皮島。賜毛文龍銀蟒等物。以示眷酬。并搜括御前銀四萬兩、各樣蟒衣等服段。以備賞功之需。○黔師至谷里。總兵魯欽、劉超、黃越等。故違節制。土兵首倡叛逃。我師敗績。撫臣蔡復一、自疏六罪。致請。上命勉策一效。并下

部議而言官交章論復一失棧回籍聽勘以川貴總督朱燦元代之。起工部尚書自所知戶部尚書李長庚俱以尚書管左侍郎事。建徐州知州汪心淵下鎮撫司獄究問追駐崔呈秀論其冒破各項歲銀十九萬并論廬州府推官徐日吳受賄枉法爲其開除銷支瑞出中旨而建之。

高汝拭曰心淵值妖寇渡河勢將席捲南下人心震動城幾不守竭力倡率多方調度兵士用命賊始退其保障江淮之功誠有過人者平妖之後毫無餘叙而反身罷職此勞人所以愜心也

禮科給事李恒茂奏議裁革登萊漏沅巡撫并御史巡方寬限事下所司。大學士朱國祚卒嘉興秀水人由

皇明法傳錄卷十四  
出元入相清貧無異寒儒壬戌主試說者疑其旨從中  
出言論紛然遂去位

三月廷試天下貢士賜余煌華琪芳吳孔嘉等進士及  
第出身有差

四月貴州巡按御史傅宗龍劾四川僉事徐清貪毒異  
常上命撫按追賊究問。遣錦衣衛官校逮楊漣左  
光斗袁化中魏大中周朝瑞顧大章來京究問逮賊。  
免李可灼戍。升魏良卿後軍都督府僉事旗加升右  
軍都督府同知。三法司會鞫戚臣李承恩引盜乘輿  
服御物例斬。詔報可。承恩。皇帝寧安大長公主所

考先帝  
用場而可  
計勿盜者  
耳

一燎韓煥  
元老也  
近見誤  
行八座也

削籍不上  
而復加提  
問國體

出也承襲指揮加升都督始為于佑所告既而家人陳  
才復首其不法事情於東廠因追出先帝賜主龍衣龍  
盆等物遂坐重辟○貴州御史周維持劾張問達趙南  
星招引王之案結黨煽惑周嘉謨劉一燎護庇王安以  
至度旨問上疏入命削問達嘉謨一燎韓煥孫慎行  
籍既而復有該撫按提問追賊之旨

兵科宋鳴梧曰自舊韓煥罷相大權始還于逆璫  
而不可收其紅丸引咎一蹶足以斷葛藤其陞韓煥  
賢蹤足以泣鬼神所謂以道事君不可即止者也工  
科祖仲蟬曰韓煥中立不倚守止不阿當群情鼎沸  
之際一言定國隨閣燭葉天之日獨力回瀾逆璫懷  
恨最深朋謀斥逐不惟煥煉成獄殺其無辜之家八  
扣且一燎折逆璫于幾先韓煥回狂瀾于既倒周嘉謨

皇明生事錄  
三月  
皇帝



之去與一燎同出越南星與韓嶺之砥柱恩節  
令諸賢之論一之而煥與一燎等之品見矣

奴攻旅順守將張盛朱國昌死之已而遊擊林茂地等  
還擊其歸路斬獲有差兵部奏聞自奴酋煽禍遼土沉  
淪而南四衛屏翰之邦悉屬腥羶戰爭之地惟金州東  
縣海蓋南近登萊爲奴之防我所必爭亦我所必取張  
盛遂駐師旅順朱國昌駐師長行曾有功駐師三山島  
皆毛帥所撥守百里恭布鼎足傳烽三方自可爲聲援  
而有功不奉鎮撫之命擅約張盛朱國昌破土興工及  
二將至而有功違約不來卽有虜騎猝至重圍我師張  
盛力戰被俘朱國昌罵賊陣亡奴兵至旅順破城殺戮

宋曰：變固  
本而曰黨  
王之宋何  
其巧乎借  
也

人民有功潛匿四日復扁舟至旅順長城焚火藥擄婦  
女則前爲誘陷後爲坐視矣。○命削兩廣總督何士晉  
籍養馬當差以其黨護王之宋也。○陞御史游鳳翔爲  
廣州知府尋復其原職。削都御史高攀龍籍爲民其弟  
舉人高如麟問革遣戍鳳翔在南道資次俱空劣轉是  
以擬陞廣州府知府此時見高扳龍見逐於瑞遂疏言  
扳龍資緣起用值臣有天恩濫厯廢官濫起之疏漢中  
其忌及其胞弟如麟辛酉應試南畿願人代筆幸得中  
式臣實司外場搜檢令疏糾之以此恨臣一登總憲遂  
屬夏嘉遇陞臣知府疏上忠賢見扳龍之名卽傳旨復

鳳翔御史而削板龍之藉。○特賜璽書褒美錦衣

督田爾耕仍命所司賚之羊酒建坊以示眷答至意

特修舉屯政以濟軍需爾耕乃捐田土七千餘頃以佐縣官之急故下璽書美之有志數同仇雪恥不以賊遺君父患存戚戚不遑更問室家彼擁旌旄而志國郵者當自汗顏等語

御史郭興治劾原任監軍御史方震孺黨庇熊廷弼失

陷封疆 上命錦衣官校迨至京究問

管子天下才也其所處宜先者也宜此不處孔子且惜其才大其功震孺所處宜之公論不必處其欲入之罪轉而震孺大黨

高汝斌曰廣寧敗劾之日震孺職在總友無得禦之寄當瓜及適赴關之期時廣寧尚無恙侯代前寧備聞廣寧失陷憤躍直前獨住河上與奴酋時日交戰甲五月已來瘡痍厚半寸衆將無不感泣入關時可番然就道而猶出居海島此其心若神閉氣雄力定何如者况始出關實由諸將壯志至招降祖大壽尤為得力迄今因一冤華為怏怏地誰之功耶振振孫承宗不貸人片語洋洋其才可錄心可原與關臣清

之一字果  
足以當不  
服之大辟  
否也

厥時則奈  
者不必不  
醫升舉者  
亦不必不  
尙賢過何  
分金石坐  
齊

雲登沽酒品降若令符節。今以其黨蔣而造  
之。不几灰志士之念。而冷勞人之心耶。

大學士朱國禎予告回藉尋卒。御史顧宗孟劾兵部  
尚書趙彥戮殺良民以桀鯨鯢觀久在人耳目。至今道  
路喧傳。其父子互開徑竇。堂屬各啓賄門。如濫用三科  
武舉。開此一途。以便請托通賄。樞臣哀如充耳。職方司  
郎中方孔炤貪鄙頑鈍。立並覆職。若趙彥之子昌胤長  
安有掌樞之誼。亦宜逐之以清輦轂。事下部。削孔炤爲  
民胤昌以病去官。後亦削奪趙彥。予告馳驛回藉。  
五月削翰林院少詹錢謙益。右春坊葉燦。光祿卿錢春。  
按察使張光緒。科臣程註藉爲民。

刑部擬熊廷弼誤國欺君罪在不赦秋後取決從之。  
以刑部侍郎周應秋爲刑部尚書。上命禮部尚書  
周如盤以原官兼東閣大學士禮部侍郎丁紹軾黃立  
極各陞禮部尚書兼東閣大學士少詹事馬銓陞禮部  
侍郎兼東閣大學士。各官陳炯額出入虧欠之數戶  
部轉輸接濟之艱奉旨着九卿科道集議長策本部  
條列十三款以上一屯種宜責成武官一清查監生官  
吏班辦納銀及裁革効勞冠帶一議裁運府州縣佐貳  
冗員一清查督學衙門空廩學田一議革厘雜流不許  
優免一查核稅契一督改義學一查一清查各鈔關餘銀

一申飭事例、一清查兵餉銀兩、一查覈茶法、一嚴行考  
成、一鹽法鼓鑄兩事。上命着加意修舉。○陞王瑛爲  
右僉都御史、巡撫貴州。陳九疇爲大僕寺少卿。○四川  
道御史曾應瑞疏劾張我續、通夷盜餉等事。上以事  
關重大、不得懸坐、下所司查明議處。○御史周維持奏  
言：皇上嚴斥邪黨、正以崇道學、臣嘗伏讀欽勅學政  
內有一款、不許別創書院、羣聚徒黨、乞勅中外、并將舊  
日所創建書院、不論省直州縣、立時改毀、事下所司。○  
挑潰旅順、金州城池、已爲奴酋削平、而孤懸旅順、難以  
自固、議開城南一百三十里、引海水以成天險、則進可

戰退可守且地堪耕牧屯聚言牽制則毛帥牽制於東此復牽制於南商恢復則毛帥直搗寬奠此復長驅遼瀋然所用錢糧原以登餉十萬爲抵近因閔門新增議裁前言遂爲寢閣尚有登撫清汰六萬可爲挑濬之用兵部以請復議濬亦無與爲守遂止○御史崔呈秀議革三協遵化道山海府驛併議保河民兵銀數萬鎮江等府備倭銀數十萬貪官侵匿則當嚴督追贓之法令軍民人等捐貲輸粟以弘捐助上命差風力官催解併查侵沒等弊時工部議差司官以往而議者以旨中不曾指定衙門躊躇不前歸併本處巡方案臣查實解

述○削吏科劉弘化藉爲民南京大僕卿吳炯冠帶閒  
住○工部主事門洞開劾本部郎中徐在中買銅尅銀  
數萬又打造硝黃三眼銃明甲尅商人價銀受其賄賂  
贓私狼籍皆有證據命削其籍下部聽勘并置商人沈  
允慶於獄○調山東巡撫魏光緒於外奪其三級○以  
御史崔呈秀巡視殿門工程○御史崔呈秀劾副使徐  
良彥命降三級○戶科給事陳序劾太常寺少卿甄淑  
附勢反覆驟躡清卿光祿寺少卿張光房冒濫京堂授  
身門戶且與程註同作趙南星之牙爪命削甄淑之籍  
而光房冠帶閒住○詔川湖督餉御史丘兆麟回道當



此等科目  
有邪臣假  
借題目起  
實官庭劇  
以欲將神  
實錄載先  
帝實錄再  
行磨勘此  
三則要典  
新中成也

事其督餉事宜歸并編沅撫臣時何士晉劄奪丘光麟  
山疏申救上怒其黨護嚴旨責之曰何士晉貪汙著  
聞駐私狼籍劄奪未盡其辜丘光麟反覆稱揚不當山  
口耳目之臣豈宜如此故撤回道○禮科署科右給事  
楊所修奏言挺擊紅丸移宮三案奉有宣付史館改正  
實錄併詳載願未播告天下之旨第實錄金匱石室之  
藏外廷不得而見倘復名實不符一時且有傳疑千載  
何以示信請刊實書頒示天下以釋中外之疑從之○  
浙海官兵擒滅盜寇撫臣王洽以捷聞外洋大夥劫賊  
偽用寬和年號日國將軍元帥等旗幟自稱紅夷弟連

餘人犯我兵用命燒燬其船而掣沉之斬級擒獲共四十餘人紅夷諸賊赴水溺死海氛頓息○建徐州新城於雲山紆迴九里有半高下二丈有七廟社衙宇之應建者二十有取舊增新費銀八萬九千五百有奇○山東大盜橫行劫去起解鞘銀若干御史邢紹德以聞

國家起解錢糧軍餉所須最爲關係天啓二年磁州已劫去數鞘茲於沙河又劫去二萬殺戮數十人訖歌馳馬而去蓋亦盜之鉅者矣當事者欲行保甲之法噫名爲法而弊之數也尙何益哉

罷原任禮部侍郎徐光啓都史智鉅論之也○以喬應甲陞左副都御史巡撫陝西劉可法亦食都巡撫浙江范濟世南京右僉都御史管理江防○陞高第爲兵部

遐遙國  
蓋不止一  
延爾而已  
也

皇明通志卷十四  
尚書先是吏部以吳崇禮王在晉催上以邊疆多事本  
兵需人甚急崇禮等路遙不便到任着於在朝諸臣多  
推幾員來部又催張鳳翔李啓元高第中旨欽點高第  
亦異數也○澎湖既復福建巡按姚應嘉陳善後事宜  
下部知之○詔緝事衙門不許一人潛入監禁偵探消  
息貴州道御史智鉅劾熊廷弼道遙因圍布散刊揭往  
來交通故有是禁并有嚴拿究問之旨○十八日聖  
駕北郊大雨如注寅初雨止天晴聖駕臨軒拱候奏  
請內使喧傳太常寺官至再至三竟不到儀註一欵云  
一正祭日免朝上具常服御皇極門太常寺堂上官

奏請 聖駕詣方澤致祭，然後 聖駕啓行。是日太常卿胡世賞因天雨，恐駕已出，又恐悞。上執事而錦衣衛競傳駕已御門，無處可奏，不如先去。又有從內出者傳駕由文華殿後徑行，不御門。故世賞不及奏請，又復後期。給事中楊所修劾其玩怠。上不究。○奪情起用原任宣府巡撫王之臣總督薊遼倉場。○福建道御史汪若極劾詹事府禮部侍郎李標延緩巡撫翟鳳翀，上詣標而削鳳翀之籍。○禮部尚書蕭雲舉乞骸，上念纂修之勞，加太子太保，馳驛回籍。○削兵部左侍郎張鳳翔籍，併削其廕。○陞王紹徽左副都御史，協理院

事○大學士朱延禧、控辭陳情、奉旨予告回籍○兵科蕭基奏東西用兵機宜、其策點事有三者、一專管轄、一神鼓舞、一審布局、要以坐困爲操、巢之機括策遼事亦有三、一善御將、一密偵探、一定戰守、要以牽制爲恢復之根、抵時稱石畫○原任總督楊述中回籍聽勘

張鏞曰、延撫王三善以孤軍深入大方、信陳其愚之詐降、何其闇而疎於謀也、罪同客降、何總督諸臣高牙大纛、徑符分關、何乃於大方深入之後、二十日聲息不通、前無偵探、後無救援、又何以釋鬼蜂擁之時、進不能推鋒陷陣、退又不能招驅赴難也、在述中以水火之見、來秦越之視、在魯欽等、紀律疎於平日、臨難惟有退縮耳、張彥芳之托病規避、尹伸輩之抱頭鼠竄、亦何爾以見梁惠秦輩於地下哉、

漕運總督呂兆熊、擒龍葉會謀逆妖首、金科馬永等先

是龍華妖黨有李英者發覺於沛邑前督臣李養正具  
題請大索於天下茲獲妖首金科等妄意窺伺詆蔑聖  
明托天魔下界真主出世之言妄指神通出世剪紙成  
兵之術侯伯具有姓名神腿多稱善走妖書妖言偽旗  
偽印符籙勘札無一不具遡其源流始於京師大奇人  
之傳授繼以潞州五嶺山之衣鉢盤踞多年發覺一旦  
逆按照彰請正刑典○差錦衣衛官旗逮高陽縣知縣  
唐紹堯并調御史劉思誨兵科胡永順於外降其三級  
時序班冉世魁太監之族在也其族叔冉東告魁歐叔  
於唐然世魁家私頗饒見紹堯持之急與于監生冉應

甲遁去紹堯愈怒將其兄并時柱責而監之因稱其產業係內珣遺貨蕭而入官以充邊餉申樞鄆道院咸以未奉聖旨不敢擅收爲辭紹堯計窮乃倩兵科胡永順達之巡按劉思誨思誨以上下告竭之日亦可助軍餉一時之急因而題解司禮監韓世能乃其周親也疏奏世魁未犯大逆未奉題請何得擅用黃封抄沒侵剋因波及永順思誨故降而逮之○九門提督太監金良輔劾御史倪文煥違制逞兇擅責官軍上怒勒令回話工科王夢尹申救釋之仍命鎮撫司究治吏書之罪九門官軍惟兵部京營科道管轄等官出入迎送例也其

向以爲重  
復廷綱而  
追之今又  
以失陷封  
疆而重辟  
之御史何  
方者也何  
對疆之責

他則否文煥巡視南城出宣武門外官軍不爲之禮煥  
怒責百戶張應舉十下良輔遂露章劾之內監而敢於  
劾御史太監之橫可知御史而被太監所劾御史不爲  
萬燦之續者幾希傳言文煥卽日求解於呈秀呈秀引  
入璫幕青衣叩頭珍奇盈列求爲魏忠賢義子閱數日  
卽具疏劾周順昌等以逢其意璫悅自此入幕用事○  
命錦衣衛擬御史方震孺從重斬罪上以震孺自任  
監軍望風奔竄失陷封疆與熊廷弼同罪從之  
七月下楊漣周朝瑞左光斗顧大章袁化中於北鎮撫  
司以其納賄招權攪亂朝政移宮一事罪惡滔天嚴比



追贓限五日一回奏

吳禔曰時廣徵具揭申救曰傳諭擬票外另擬一票請為寬宥此揭實出冢宰崔景榮坐魏寓中三日力強而後出者故未獲其黨論崔亦罷去則知此揭非出廣徵本意矣

高汝斌曰初獄上擬連以移宮一案羣小相與謀日不串入移宮則題目不大不假借封疆則難追贓而破其身家再行復訊遂改為黨熊賄脫斌親連與左光斗書曰我輩萬無保他仍作經畧及事敗連又曰封疆為重何碎伏法然聞恨入骨髓此豈受賄為營脫者其事始於田生金而成於徐大化古云欲入之罪何患無確冤乎慘哉

雲南巡按朱太禎奏言官兵恢復霑益城池霑益之為州也夷居其九漢居其一夷之為營太者四十有八錢者站馬悉土官主之而流官直拱手受成事焉其十一

之漢人則烏撒後所官軍也。自天啓元年閏二月設科。烏撒後所官軍棄城逃去而州丘墟矣。茲以計擒設科則叛夷失其頭緒始可議恢復布條列款而四十八營始知有赴州輸糧者矣。事上降詔優答。○水蘭烏霑三逆令兵數萬窺霑益敗走之。四川烏撒土酋安效良水西膽肝之親其順逆惟水西是視。自效良獻安應龍以來佯爲恭敬不意遣來獻功之人領回文還途中被劫效良又見黔師出六廣滇師入霑益隱然有背吭拊振之勢而水烏益成騎虎自分終不得生乃乘截黔之餘燭遂南向入滇爲寇。蘭烏霑合成一片安南諸夷二十

此空谷之  
足音也  
旨意之幾  
於立杖之  
鳴矣

九營其衆殆十倍於我。副總兵袁善等督率將士奮勇血戰。對壘於霑益城下者五日五夜。屢出奇兵以破之。按臣上其事云。○戶科給事楊文岳奏言。視朝之地。禮法森嚴。上有所懷。未可據問。下有所見。未敢據陳。上下之間。俱憑章奏。數行之內。其間機宜。豈能盡達。職訪古內朝之制。復祖宗召對之典。古者朝辨色始入。若日出而視之。退露寢聽政。夫視朝而見羣臣。所以正上下之體。聽政而適露寢。所以通上下之情。此在祖宗朝。每多於便殿舉行。至今稱盛事。職願皇上或於講筵經筵之暇。或於朝後。隨御文華殿。召見內閣。或於六小臣工將

此等事從  
來有矣何  
至今日而  
然查之

朝廷得失人才進退生民疾苦各邊利害並陳東西戡  
守事宜隨賜咨問至於一切奏章有關係重者惟聖明  
裁決旨以撥拾要名責之○傳出 聖諭刑部犯人因  
朗先游士任方震孺唐紹堯等既在禁中當穿囚服容  
他角巾色衣盃酒笑傲成何法紀於是刑部提牢主事  
林曾上疏認罪嚴旨切責而宥之○刑科給事杜齊芳  
請攸卹貴州巡撫王三善旨以三善剛愎自用卒至潰  
師與楊述中無干因責其偏護同鄉○北鎮撫司五日  
一比楊漣魏大中等駐漣等初意不欲承贓又慮媚內  
許顯純酷刑箠楚決無生理於是左光斗曰彼殺我有

其用心可謂審其計亦可權其矣

可憐可傷

兩法乘我之不服而亟鞠以繫之又或陰戕於獄中徐以病聞耳若初鞠輒服便送法司或無成理於是靡焉承認執意仍着鎮撫追比以五日爲期外魏佯請付法司以解於衆故令內魏番中以繫臺省之將言者是以慘苦更甚比校時繫累列跪奸弁前訶之詬之裸體辱之弛桎則受拶弛錄則受夾弛拶與夾則仍戴桎錄以受棍墨棍所中結爲黑丁黑丁漸漸陷爲溪坎溪坎上微裹藥傳焉不再宿復加榜掠藥裹爲棍揭去棍棍擊赤肉肉敗蛆生淋漓零落肉墮墜堦堦者塊如破迨其後更加極刑審訊時不能跪起荷桎梏平臥堂下額髮垂

覆身肩半露羣蠅噬膚不能舉。刑畢拽入。斯時豈但無刀。圖生亦且無暇求死矣。

高汝拭曰。天下事固有不可測者。矧出奸人心肚。雖良平豈能料之哉。伏梁公承反而人服其智。諸公承賊而死。人固有幸。不幸焉。或未易輕議也。讀者又謂追北之日。何不一試嗟乎。貞臣烈士。皎然與日月爭光。亦惟是一死以結局哉。鉤黨禍起。陳蕃劉鄩李雲謝弼之儔。死掠案者不可勝數。虞詡一日之中。傳考四獄。獄吏勸自引。謂曰。寧復毆刀以示遠近。假令當時有求多者。引繩拔根不休。幾不得與絕吮之息。夫躬爭優劣矣。今視敦公何如也。悲夫。

東廠魏忠賢奏神奸蔣應陽出入禁監包藏禍心移受妖書。陰懷不軌。見追疏稿揭帖及弓箭腰刀等物。上

命鎮撫司究問。蔣應陽乃兵部考取將才。咨送遼陽熊

延弼在任時以才官守備札付與之廣寧失陷延弼聽  
勘隨差應陽前往廣寧偵探及至京廷弼已下獄矣因  
與延弼投遞辯明揭帖進監左右之東廠緝事者欲獻  
功忠賢因而捉護追出延弼疏稿揭帖併遼東圖畫與  
札付等物又稱弼子出入監禁管謀叵測至腰刀弓箭  
馬匹乃武職本等之物誣爲演習不軌遼東圖畫亦指  
爲妖書上命重辟而加廢忠賢羊酒銀幣賜之。樞  
輔孫承宗汰閑門冗兵歲省餉七萬有奇。冊封任氏  
爲容妃。兵科給事羅尚忠工科給事顧其仁連章劾  
總兵馬世龍貪冒召劾諸罪。遣何棟如戍。吏部尚





陳明卿先生之  
言曰：竊或楊公乃第發之  
主，而屈辱之，殺之，死後，勅追以發子孫，塗抹以發青史，  
而極其慘，人心其奈人，豈天道何然？然子孫賢，不可發  
者，史無不能，人心活，不敢殺，則亦自發其心而已。  
卒之全於蓋，然楚祠賜顧，如忠懸側，其子易之，進絕  
筆，今上有忠，所義則廉，廉激烈之褒，而後知楊公  
之死，死而生矣，向之喻喻此  
此，自謂生，榮者，今安在哉。

歸史原建  
事在陳江  
所八步  
水官吏一  
清吏一  
縣軍一

以降三省為禮部尚書

八月兵科給事吳國華糾工部管繕司員外曹欽程薦  
寶坻縣知縣周詩雅元城縣知縣熊江上以國華顛  
倒任意削其籍而并削熊江周詩雅○縣門軍士以馬  
乾發終之通羣相鼓噪事聞上命首犯正法以平日  
某怨詰責將領并命樞輔不時參處○譚張板戌守旅

原會  
足兵食  
肅嚴捕  
麻探探  
除民害

順東鎮叅將張善繼盡撤本地民兵於三山麻洋鐵山  
灣住守不放一兵禮科葉有聲四川道汪裕疏劾之

夫旅順爲東鎮信地歷鎮藩籬牽制奴酋之咽喉故特設遊擊以成聯絡之勢張弁既領命而往繼善盡撤其民兵萬一奴騎突至束手莫應其何解于任事之責乎

四川道御史倪文煥劾東林渠魁兵部侍郎李邦華邦華東林高尼向與李三才結爲死黨同任御史李日宣殺計陰謀傾害善類文選司員外周順昌切附東林營入吏部貪橫異常仇逐朱蒙童不安其位厚結汪文言呼吸相通又與魏大中構黨同謀逮過姑蘇畱連十日以女許配日中不知有國法至在吏部時給假南還坐

二大船皆貨充斥，壓沉一舟，狼籍河干，白銀暴露，通州之人至今掩目。林喬枝改調署選，惟賄是聞，縱子林堯世於私藏菴觀，收銀買官，鑿鑿有據。上命俱削籍爲民，着撫按提問追贓，其私創書院，扁額書記毀壞以爲聚徒植黨之戒。○浙江道張訥謂東林書院乃李三才科斂東西財賦而爲之脩建，孫慎行高攀龍輩窟穴其中，肆行淫穢，辛酉鄉闈賄買舉人以洪範七字暗通關節，而願高子弟並列賢書，開中書院原係稅監潘永私第也。馮從吾占爲書院所侵官地民田計千三百餘畝，盡歸席捲，通書京邸，協制當路，張牙露爪，謀欲翻案等

語又云徽州書院則宦家巨賈所建以余茂衡主之羣  
不逞之徒附之鄭三俊畢茂良皆於此中得力江右書  
院其來更遠原自有理學一派清議所自出而鄒元標  
出山潦倒反假氣勢於東林靠引於西北至劉一燝操  
柄誤國攪亂不清娓娓千言上命削元標慎行從吾  
茂衡之籍茂良三俊間住○前吏科都給事魏大中卒  
於獄其子生員學泐旋死之大中氣甚皓落不受盤曲  
卓然以名教自持故在吏者陰孽已萌堅冰將至而猶  
以高陽毘陵在事適列人才進退之地正欲舉貪墨吏  
一大創之孰意羣奸之側目也刻若一生家徒四壁而

坐以三千三百之贓口口欲辟熊楊。諫草傳天下而竟坐熊楊之案。冤哉垂逝之日。更嚴刑促之。縛暑殷雷。旨故遲遲不肯降。越六七日始出尸牢穴中。骸脹而黑。面與鼻平入。斂時慘更不可言矣。方大中被逮。其子學泚徒跣攀號。欲隨以死。大中曰。覆巢寧有完卵耶。父子俱碎無益也。學泚微服間行。尾緹騎。刺探起居。北抵國門。邏卒四布。則變姓名。匿旅邸中。晝伏夜出。以籌萬死一生之計。而獄益急。榜掠益毒。度無生理。欲撻登聞鼓。自刎已念徒死無益。且萬里旅覓。邈邈誰托。割鬻飲血。扶藪而歸。朝夕號咷。未嘗入寢室。哭而病。病復哭。哭盡。

而舌枯家人以漿進竟不入口以死。天子改元剪除大逆。大中得贈太常寺卿。謚忠節。

錢士升曰。寅卯之際。名教披昌。調者有見。鬚眉無父。亂賊相接。踵矣。惟是忠節諸公。凜凜生氣。孤行於清。虛寥靡間。而又得死孝之學。伊爲綱常維一綫。詎非忠貞之羽翼。春秋之功臣哉。斯言也。可謂魏氏之實錄矣。

高汝栻曰。爲臣死忠。爲子死孝。分也。忠孝成於一身。或萃於一家。則難矣。若忠節擊好而死於忠。其子痛父而死於孝。古曰求忠臣必於孝子之門。愚曰求孝子必於忠臣之後。昔卞氏殄肝。隨父赴難。而顏忠節之死。常山。泉明從幽州。轉徙流離。至河北。購父尸。歸葬長安。時稱其孝。忠節何異卞顏。而學伊。茶菰似泉。明捐生似殄肝。求之古人。邈焉寡儔矣。

八月二十八日。詔斬原任經畧熊廷弼於市。傳首九邊。

者王休乾  
梁懷李永  
貞等也凡  
開切者鈴  
以白紙又  
摺一指甲  
重無高識  
宋貞等以  
次郎誦而  
休乾爲之  
註解閱歷  
封本亦如  
之每先帝  
是竟文書  
骨事牌于  
皆尋思透  
侍德處公  
者點用者  
或改票者  
皆休乾受

示衆二十八日五鼓有駕帖至山東司主事張時雍聞之以爲必斬廷弼也恐有伏毒自盡之事令獄官設法誘出彼已知覺乃從容盥櫛整衣而後出房曰我大臣也還要拜旨豈得草草延挨久之而中貴與其遲也捧駕帖而去時雍亦懼獲戾大書硃票仰獄官速拘出彼猶濶步上庭曰侯庭上說話既至庭時雍迎之曰熊芝問今日數盡失陷封疆應得一死還有何說廷弼默然無言見胸前懸一執袋時雍問曰何物答曰謝恩本日爾不曾讀李斯傳乎囚安得上書廷弼曰此趙高言也時雍語塞隨送出先廷弼刊刻有象遼東傳值八月

言曰泰也  
查門戶姓  
名者亦是  
承貞諸人

二十一日文華殿日講畢輔臣顧秉謙等五人獻一冊  
於上令詞奏曰此熊廷弼所作以爲飾功張本希圖  
營脫上覽之怒曰廷弼奸謀不得肆行於朝今又以  
流言煽惑於野且心懷不軌辱國喪師惡貫盈滿罪在  
不赦又刊書惑衆情益難容因傳諭示刑部等衙門着  
便會官速決了至是正法蓋八月二十八日也

高汝拭曰廷弼慷慨揮霍有餘涵養溫厚則不足高  
言雄氣不肯下人世多以剛愎庶幾目之自有遼事  
以來再任經畧不取一金錢不通一餽問終日焦唇  
敝舌與人爭言大計視國事如其家事第以輕撫見  
左復與中樞風怨動輒掣肘憤激坐視遂膺顯戮悲  
哉然當事者亦無意便殺自楊左事起而廷弼之先  
決矣故曰廷弼不死於封疆而死於廷弼之先  
吏而死於廷弼之先也嗚呼不以封疆而移官則不能創  
皇明法傳錄三朝卷十四 哲皇帝 十



典大獄不以封疆受賄誣諸臣則不能作清流之膽  
非不殺廷高則不能借題偏進無影之鱗如諸臣以  
身後之誅夫計誤封疆伏法何辭然終不死於封疆  
而死於時局不死於吏議而死於奸璫是以九泉之  
下日不瞑耳

前左金都御史左光斗卒於獄先是楊漣二十四罪之  
疏上內有宰相門生四字執政等甚惡之時有俞壬某  
者謂執政曰楊漣文魏公波及於閣下公知其故乎執  
政曰不知也俞壬曰出疏者楊漣造意者左光斗潤色  
者繆昌期也公若肯承當取旨如寄吾為閣下足了此  
事矣執政首肯遂與訂盟因咬御史陳九疇發其端而  
旋以會推彰其事復理移官為傷孝垂簾為阿黨定

元勳爲居功。猶以難於坐贓也。再行覆按。改爲封疆矯旨五日一比。竟斃於獄。復誣受謝薦紙贖等賄。窮治其家屬。崇禎元年。上憫死事之忠。贈右副都御史。磨一子入監讀書。

高汝拭曰。光斗以中秘擢御史時。其父寓書詔之日。吾家自丘明以來。代有聞人。始祖載國公。當隋之亂。以一布衣。聚豪傑。保江南六郡。自唐迄今。廟祀不絕。靖難師起。有長一。長二者。忠憤激烈。誓連抗東海。雷疾雄博。浪。庶幾似之。此皆無異而飛。履險益壯。况御史藉天子之寵靈。以澄察抨刺。何所不得。勉之哉。是以光斗當先帝鼎成。聽政之謀。起於宮掖。貂璫神叢。因與楊漣排間。叫關。使天日重朗。其視。誓連雷疾。何如也。雅稔庭訓。益自爲發舒。惜乎遭讒。以死耳。

詔杖江西道御史吳裕中。於午門前一百。革職爲民。

天啓朝狀  
癸巳見矣

維恩漢而  
名譽未竟  
蓋及

逆奄傳曰方能經畧之刻遼東傳也內有馮布政父子奔逃一回等句涿州見而耻焉遂借妖弁蔣應場殺之閹擬聖諭歸于乾所體乾永貞等曰原是小馮兒害他與聖上何干遂于原稿奏請都筆增入卿等面奏出諸袖中八字而熊辟矣御史吳裕中熊之姻也涿州令私人唆吳曰內意薄丁矣及于賢則笑之曰吳為熊報仇也于是裕中疏論貴池而忠賢繪旨曰廷弼既伏厥罪神人共歡吳裕中乃以鄉戚兒女之情輒敢起空乘機逞其誹謗欺肆狂悖詆辱大臣顯與廷弼一樣肺腸與廷弼何異命杖百裕中此五門工成加恩輔臣及百官有差五門者呈極門先完次弘政宣治二門又會極歸極二門自輔臣太監禮部尚書而下京營監察等官太醫欽天殿衛司房拾掇千百戶加恩者幾千餘人○加輔臣孫承宗願秉謙原任大學士魏廣徵左杜國少師兼太子太師中極殿承宗

秉謙廕子尚寶司丞廣微廕子中書舍人周如盛丁紹  
軾黃立極各太子太保文淵閣馮銓陞禮部尚書文淵  
閣各廕一子中書舍人銀幣如例○削侍郎趙秉忠御  
史劉方練國事李玄王祚昌李謹劉懋等籍爲民  
賜東廠魏忠賢金印一方文曰願命元臣忠賢一顆以  
褒元勲

所賜印方二寸金約百兩王勛篆四爪龍紐璽以金  
雲龍匣又賜客氏一方文曰欽賜奉聖夫人客氏印  
其金篆紐匣亦如是萬曆中兩宮災皇后之玺焚  
福藩之國中宮例有戒諭王如勅神廟命御用監  
刻木代之終孝端世竟未補造棄越浪費至是極焉  
○前陝西副使顧大章獄成刑部尚書李養正周應秋等上爰書從之自遼左陷

五年封疆失事之臣至壬戌春始盡逮奉旨下法司皆  
刑部山東司事也時本司官或以差出或以病告虛無  
一人尚書王紀以福建司員外頭大章署其事斯時論  
經論撫救經救撫之疏無慮數十上揚之沉之衆論不  
同之極致大章會勘曰論事則化貞爲罪之魁誅心則  
廷弼誠難末減至八議之說不特大章有之刑部各司  
亦有之台省亦有之四月初一三法司會審司官二十  
人在生廷弼囚服長跪置對塔下審畢衆曰應監否大  
章曰俟堂審定罪請旨後監蓋以廷弼大臣未經鞫解  
但令法司問明亦無送法司字樣也及堂審鄒元標等

以廷弼失陷封疆難以入議省遂定化貞廷弼重辟訖而徐大化亦刑部員外給假不任王紀惡其久廢職業而重大章公正無私也大化疑大章交媾其間遂嗾御史楊維垣劾大章唱入議之邪談緩頰而鬻大獄又得婉轉美詞以大章由刑曹調兵曹是時又陞陝西提學副使故嘲之耳彼此辯訐不下十餘疏最後言其得廷弼四萬金遠送家中復遞佟卜年花憲臣不相蒙之事以誣之命勘賊證無實有詔復大章職矣楊左之禍作大化復乘機串入謂駁壞封疆逮而下之於獄審定秋後取決追贓四萬田爾耕輩任意敲扑因卒於獄英

主御極事白賄太僕寺少卿○饒兵馬世龍聞奴酋領兵西來海耀二州等處收割田禾從右屯等衛經過乃議前鋒三營協將各統兵襲之遣副將魯之甲會同叅將李承先出哨柳河左輔領兵三千有奇至杜家屯應援又以遊擊金冠領水兵接應既議定及之甲河守候二日不見船至乃看河東地勢欲聯鞏橋以備緩急適有耀州赴義難民周生員等萬人云四王子住錦州虜兵不滿三百我師渡河遼民當卽殺王子殲其衆以歸二將欲邀功而輕信之不知爲敵計也乃以漁舟先渡難民約號城下招呼城中開門以應既渡我兵至耀

州城下寂無一人。招呼不應。第聞鼓掌大咲。城上矢石如雨。伏兵四起。我兵雖奮勇斫殺。突於溝內穿甲斃者數百。蜂起城內。又出夾攻。我兵奔潰。賊追趕至河。魯李二將陷足蘆葦。雖欲放砲以拒。竟無立足之地。北岸列兵數千。無船不能飛渡。李承先中刀死之。甲仰天自恨。投於河。中軍錢應科亦落水死。計喪兵五百餘名。馬騾不計其數。事聞。上命世龍戴罪立功。

此一舉也。分明誤聽奸細。以貪必不可成之功。不度彼此。不審進退。僥倖倖以掩其不備。不知已落奴彀中矣。伏兵四起。張皇奔北。遂至淪亡。如驅羣羊。以飼猛虎。其悲慘詎可勝言。幸也左輔一枝。以未動得全。賊亦未遽渡河。寧遠前屯得晏然耳。



十月初一日 皇子生。陸容妃父任景春錦衣衛正千戶帶俸。禮部頒行天下慶賀。皇太子誕生表文格式。起原任府丞邵輔忠太常寺少卿姚宗文給事中。凡詩教趙興邦御史李徵儀卒志變朱一柱候北部奎養積候陞右布政除國典改北缺章光岳改京衙。削福建巡撫南居益籍爲民。直隸巡撫請改蔡州爲府。兵科陸文獻疏言徐州負山臨河南北咽喉夙稱要地。宜固堤保賊不必改州爲府其搜括銀八萬畱四萬以備修築四萬進助大工從之。加大學士孫承宗特進光祿大夫馳驛回籍。命錦衣衛官旗逮御史惠世揚。

平不獨楊  
左也

而最者  
至之索借  
紅丸而反  
者其意行  
借務官而  
時者惠其  
揚也凡此  
皆不二之  
臣臨事則  
納忠遇幸  
則盡命苟  
一毫有利  
乎國不其  
含笑于地  
乎

來京究問

世場乃楊漣一輩人，即其首參客魏，并勸倡率內操之沈確，其持論凜然，風猷風著，可知也。所言者，若逆知有今日，而預為曲突徙薪之計，客魏恨之入骨，故借移宮一接，捏為青衣小帽之詞，欲與楊漣同置之死。在漣不幸而死，已不可伏生，世揚幸而不死，是再生之傷漣也。胡九廟不諱之時，舉國縉素，世揚欲出入內直，反青衣小帽以自別于人乎？其誣不辨自明。崇禎元年十月，皇上獨斷，賜以起用，見今復推選撫，蓋神宗朝諸臣玄黃角戰，賢奸猶未盡清，迨至崔魏而足非階，倒極矣。至今見魏雲消，木落石出，死者死矣，獨留世揚一人在，則什彼彼鶴，增我鵝鵠者，胡可緩也。是在當事者力為推轂耳。

浙江道御史潘汝楨、刑部侍郎朱世守、大理寺丞楊一鵬、兵部侍郎劉策、布政使陸完學為東林之遺奸，俱命

削籍。○詔遣原任按察司僉事康丕揚發邊遠充軍。

先是丕揚有疏辯明楚藩妖書二事下部會議覆  
上降旨丕揚權相邪媚貪酷久掛察典一削籍  
未盡其辜  
命戍之

二十四日陶朗先卒於獄。○禮部尚書薛三省奏言仕  
途壅滯門工加恩太濫嚴旨詰責。○陞楊慶袞太常寺  
少卿孫杰大理寺少卿崔呈秀大理寺丞李養德光祿  
寺卿呂潞太僕寺少卿。○命遠御史夏之令中書吳之  
瑞通判吳士科下鎮撫司審問追贓助工削周道登張  
問達孫居相于玉立梅之煥等職并追奪誥命。○上  
宣兵部尚書高第至文華殿賜尚方劔坐蟒玉帶銀幣  
經畧遼東。○詰勅房辦事中書舍人事吳懷賢下鎮撫

忠貞所激  
亦公義之  
所在也小  
臣尚知其  
義大臣固  
可爲黨門  
之乾子矣  
孫乎

司獄時忠賢竊窺神器中禍官闕傾陷忠良市威箝制  
懷賢目擊不平每開抵報有摘發逆謀者及楊漣  
四大罪疏擊節痛快遂加圈評有註曰當如任守忠卽  
時安置等語適有工部吳昌期糾劾侵冒忤璫撤回懷  
賢以同卿服其不阿遣書稱之有事極必反反正不遠  
之句辭多激烈凡對同官及縉紳親友并手札往來輒  
寓感憤義形於色同官傅應星忠賢嫡甥也聞之入告  
忠賢而番役恭布左右陰誘其僕程遠德覽以東廠富  
貴盡以懷賢圖註疏稿及書底盡送於璫璫大怒曰甚  
等官兒敢如此犯我速處他死徑差校尉百餘至寓綁

懷賢并其妾丘氏子監生道昇西席程千古皆繫之去懷賢曰有事我獨當之汝輩死無益也於是千古得免到厥嚴刑箠掠體無完膚命楊寰孫雲鶴輩串入東林賄納左光斗等事卒送鎮撫許顯純非刑炮烙削餘而死妻程氏在籍驚夢以及舉家離散 聖神首出道昇

聖式報日  
和九一祭  
主就通之  
說者固爲  
備見先  
帶帶交與

上書鳴冤得贈工部主事○陞徐兆魁黃儒炳吏部左右侍郎朱一桂刑部右侍郎起許弘綱爲南京兵部尚書○尚寶司丞劉志選劾原任禮部尚書孫慎行倡爲不當藥之論妄疑先帝不得善其終更附爲不計賊之說輕詆 皇上不獲正其始奏旨一節實錄乃成千古

之日臣  
子實起  
功之日  
可灼揚  
皆然耶  
以服天  
之心矣

謫史矣。向高身為元輔，不聞一洩此言。卒令以百足之  
虫，生還里閭。近復以三窟之兔，繆與廷推。向高寧負  
皇上，不負慎行。令漏網僉壬，得廁身揆席，以玷辱綸扉。  
哉併連冢臣，張問達乞將進藥兩疏，宣付史館。○刑部  
獄火。○刻宗藩限祿書成。

十一月初一日獻東夷俘。上御門受賀。○大學士周  
如盤予告馳驛回籍。○陞崔呈秀工部右侍郎兼廣東  
道御史，以大殿升梁告吉也。○削科臣解學龍詞臣侯  
恪職。○陞呂兆熊為戶部尚書，劉志選尚寶司卿。

○詔錦衣衛差官校逮楊州府知府劉鐸來京，與妖僧

本福對理此錦衣衛田爾耕所緝獲也本福江西吉安人潛住京師縉紳多與交往而爾耕希忠賢旨徃爲東林淵藪希圖乘機造謗捏爲與楊州知府劉鐸熟識在寺往來有詩字見證其詩三首語多譏刺故有是逮○吏部尚書李宗延予告回籍以王紹徽代之○罷禮部尚書薛三省○廷議撤遼撫更置登撫登撫武之望以張攀守旅而毛文龍使張善繼竟撤其兵民登撫捐采助益以收饑荒提有功以正究奸文龍甚爲不快且朝鮮又與文龍不睦是以兵部上疏曰國家兩大局一在關門一在海外其犄角之勢同其所關成敗之數同其

而不相下而成相逼之形又同。且以海上言之。牽制奴酋者。朝鮮也。聯絡朝鮮者。毛文龍也。駕馭毛鎮者。登撫也。傳云以怨爲國。又云師克在和。今日詬誶之事起。以小不忍成其爲大。不和撫臣與鎮臣不和。鎮臣與屬國之臣又不和。使敵得以伺其便而抵之。此奴之利。中國之大不利也。乃改武之望爲南京兵部侍郎。以楊麒爲總兵鎮守山海關。詔遼東前驛營總兵馬世龍回衛。旣而傳旨謂世龍勞苦三年。着回府遇缺推用。一切黨人不拘。曾分處未分處俱着該部院會同九卿科道從公查確。集議奏請姓名罪狀。并節次明旨刊刻。



成書榜示海內。乘示將來以永保清平之治。命修葺信王府第。皇子百日內閣議名。廣西道御史趙胤昌劾輔臣丁紹軾先是柳河之役。遠邇震驚。於時丁紹軾有危閔失事一疏。及內傳問閣中東虜已報墊河。世龍爲何杜門稱病。馬世龍可用否。紹軾曰。臣等在閣中公議。正議去之。尚未定。及再詰。乃曰。去。留取。自。上裁。臣何敢知。是以胤昌論其反覆不忠。曰。一人而模稜兩端。一言而倏忽同異。紹軾上疏乞骸。仍溫旨留之。○欽降工部司官呂奇策等三級調外任用。

子街石一節。最爲艱頓。由三山度過。蘆溝橋勢如長虹。下太空。淵恐重難勝。是以該司甄揀衆論於橋下。

流南畔別築土壩以便運石駝馬之行視保橋工費  
所省甚多及黃克績上其事內有保壘之語上曰  
橋道見在運石何必再行保壘且天寒地凍保壘  
非時顯是司官計圖侵冒者降三級調外任用

詔推順天等處巡撫該部以郭允厚等五員疏請上

曰郭允厚李逢節孫杰馮三元李春煒俱賜環召用

着京卿用以李嵩爲僉都御史巡撫登萊○工部尚書

黃克績乞調理回籍上准其馳驛去○錦衣衛指揮

僉事高守謙歐死翰林院檢討丁乾學

甲子乾學典試江西試策中有汪直劉瑾等語觸怒  
忠賢降級調外矣先是乾學爲孝廉時有兵科書役  
高守謙恒貸其貲生理既而忠賢勢盛守謙卽鑽役  
門下資緣爲理刑百戶侵廩錦衣衛指揮僉事及乾  
學未調家居守謙以前日往來遂托言爲乾學解釋  
于忠賢湏得千金爲謝其後南道徐復陽疏奏郭士

臣月去尊案四三月去一日帝皇帝

皇明法傳錄卷十四終  
帝能事並無典試名目忽傳旨削奪乾學乾學亦知  
守謙造謀無可奈何隱忍以待而守謙特轉一約索  
通計一千二百兩乾學不承兩相爭執候忽二十餘  
人擁入稱駕帖禽捕乾學俯伏就道將磚石亂擊一  
命稱惡諸親厝辨財物跪奉請罪諸棍得財一據而  
散始知非提騎也乾學骨折心傷憤結不舒而卒  
新主卽位其弟承伏源  
血鳴冤詔贈翰林學士

皇明續紀三朝法傳錄卷之十五

西湖 高汝忭 輯

澤逢恩疏  
費極未時

柱明會命  
誣以監守

自盜也

丙寅六年正月以周應秋爲左都御史以徐兆魁爲刑部尚書○下戶部主事李柱明于獄究問追贓

順天府府尹沈演謹陳製禦十款伏乞 明旨嚴加申飭責在必行

○削太僕寺少卿曹欽程藉爲民

可恨王幼  
廟宗建等  
選教修水

欽程先與付應星結爲兄弟引入魏良卿之幕而并臣楊所修荐之遂爲逆璫乾兒自劾奏周宗建等五人之後忠賢悅之卽秩以部郎擢升卿寺管陵工廟木版偶與其黨不合觸怒忠賢而忠賢厭薄其人變

非言官而  
議論人之  
是非小人  
患失之心  
如此玩弄  
朝廷于股  
吻間如談  
綬

潘士聞糾之遂責其敗羣不檢而削其籍出都門時  
并別忠賢口稱君臣之義已絕父子之恩難忘遂斷  
哭失聲而出後聖主登極被逮正法云  
案欽程令吳江時沈莘植為郡守其人以清嚴端介  
表率其上而虎狼之性多所顧忌不能恣為閭閻恨  
矣及醜聲日著沈曰是安可一日令民上書入告撫  
臺周起元使之善去以全此子遺維時吳江周宗建  
吳煥兩人與銓郎周順昌同鄉吳然諸君子節持松  
相氣洽芝蘭復與莘植同道為朋其于國計民  
人多造間諺訪欽程于是致疑已之醜狀皆周吳諸  
非其之不知彼以雅厚自持夫豈不明于居是邦不  
君發大夫之義而為此曉曉夫亦口碑巷議實不能  
使掩遂投逆黨乘機報  
洩建迨而煥削籍云

○命修三朝要典是書以紅丸挺擊移宮三案編輯成  
書皆于斥廢殺慘諸臣畱一罪案多出干崔呈秀劉志  
選之意

黃汝良曰。要與一書。逆璫泄憤報怨之書也。天啓四年五月。楊漣參魏忠賢二十四罪。由是左光斗魏大中惠世揚等。及部院驛寺。相繼論劾。忠賢痛恨入骨。欲報無由。乃以楊漣等。曾諍移官。假爲題目。而追治之。又恐人議其後。事久變更。矯旨編纂成書。串通挺擊紅丸。移官爲三案。取富貴者。嗜進通內。頌德祝釐。以君父與厥臣並稱。而加防微杜漸。憂君愛國之臣。爲誣謗君父。將使後之爲臣子者。容誥聽君父之自弱自危。乃爲可乎。又曰。施籠絡之術于君父。矯誣藉制。以毒害忠良。禍不可言也。交亂白黑。混淆萬世之信史。使人以忠義爲永戒。禍尤不可言也。楊景辰曰。逆璫目不識丁。安識孝慈爲何物。惟不幸有結黨之崔呈秀。教之遂至矯誣天語。逼協史臣。無非欲借爲拙撫諸賢之具。故其獲罪諸賢。惟此書不足逆璫之意。亦此書而史臣因以還署。亦復不少。孫慎行楊道等。當日持議不無過激。然皆一念之忠愛。所欲發而言言吹索。節節扳根。甚且斥之爲奸爲邪。爲無忌憚賢豪受冤極矣。至崇禎元年。侍講倪元璐疏奏。當毀輔臣亦揭其必不可。至五月初。上命取皇史宬原藏者。與各處所有書板。盡付火燬之。宇內稱快。

成風第此  
賊干勢猛  
作奸黨為  
驅除不意  
內監復操  
舉劾如此  
人心善幻  
世界轉運  
流覽風氣  
每為浩嘆

奴河經  
其高以  
其難敵  
其跡上日

○蘓杭織造太監李實疏劾直隸巡撫周起元松江知府張宗衡同知孫應崑并劾御史黃尊素周宗建編修繆昌期吏部主事周順昌都御史高攀龍東林邪黨與周起元臭味相合大肆貪婪疏入命除周宗建繆昌期已經迨解外周起元等五人解京究問

崇禎元年迨李實究問實謂誣陷五臣係魏璫差人至杭將司房黃日新印空頭奏本令實鎮之以上後恐事泄仍殺日新以滅口其本皆李朝欽李永楨屬草而孫昇書之殊以墨蓋可辯也今上命實與永楨面質得實實減死克軍

大學士周如盤卒○夏之令卒于獄詔提家屬送之○奴大舉入犯寧遠寧遠者閔門之要害也門以東則滿

索錦

桂西則左輔門以南則祖大壽北則朱梅而以叅政袁

料

崇煥總之

幻當大哉

二月奴酋大舉過河圍寧遠去前屯白二十里前屯白

言可

去榆關止七十里大策之策旨下會議議者欲棄永寧以予敵

內保榆關夫永寧一棄則榆關立危矣時永寧止袁崇

煥一師虜衆五六萬人晝夜力攻始攻西南城角崇煥

命將大將軍挾凡郎神鎗烏銃西洋火夷等炮奮勇焚

擊前後傷虜約數千歲之會復南攻推板車遮蓋以斧

鑿數處我兵捆柴燒油并撓火藥選健丁五十名從城

上以鐵繩繫下燒之至二更賊少退又用棉花火藥等

火攻第一  
妙著



物將賊戰車燒燬賊計窮退出城外五里于龍宮寺一帶札營約五萬餘騎其龍宮寺收屯好米俱運覺華島遺下爛米燒燬海岸米俱罄開達賊不能渡海賊鋒少挫我兵先是以紅夷將軍減旁炮島銳追風弓箭打灰夷賊數萬奴酋大頭目長孫哈兔打灰落馬用紅布包裹衆賊扛檣放聲大哭而去又打灰牛鹿大人五十餘人得級二百六顆賊俱從灰山往東奔走此正月廿八日也崇煥當奴賊未至之時推牛殺馬引佩刀自割其肉烹以享士故士多感發奮勇云○二十六日皇上御門召諸大臣科道會議東事面諭開門緊急當傳收

卷一百一十五

羣策虛衷商確會議司禮監具奏○遣前吏部尚書趙南星戌部以星年老收贖上曰南星奸黨渠魁依律遣戌不准收贖

按高邑當萬曆甲辰在文選時慨士習之不端嘆民生之日蹙主割露良心一疏多所訛切為忌者所劾歸里至二十一年復起考功管內察極意澄清不苟情而削藉而去泰昌起廢以郎中陟卿寺陞總憲振剝風紀益勵初心有再剖良心申明憲職諸疏貪味一清奸回屏跡輔臣魏廣徵之父九貞與南星素以節義相傾廣徵以通家之故每干部政星正色却之徵外雖執尊稱內實快快因暗挾忠賢謂楊建疏係南星改定誼高攀龍論崔呈秀貪汚異常星復引視太舟遣戌之例于是同惡交煽遂肆毒手一日在弘政門達通參璫與焉南星頌言針砭遂銜深恨會巡撫之推唆陳九疇劾選郎夏嘉遇璫捏旨責南星朋謀結黨竟逐南星與板龍首輔韓爌極言兩臣不宜輕去并熯而逐之至是張訥梁夢環追論其事遂致

提問追賊將其子清衡甥王中麗兩日間各責枷號俱擬遣戍于酷暑淫霖中立推南星赴振武清衡赴莊浪中麗赴永昌同日出門復追其夫人湯氏追比而死南星當聖明踐祚蒙恩赦免其時巡撫留難回文遂于丁卯十月十七日歿于戍所其子清衡鳴冤得旨准復原官給祭葬諡忠毅錄清衡而廢之上以寧遠賊退下諭獎勵文武將士命戶工二部發銀十萬爲犒賞之資用鼓戰氣以勵軍心○詔覆准稅于閔津渡口商賈奏集之處用濟急需

二月升袁崇煥爲都察院右都御史滿桂趙率教實授總兵加都督同知左輔等查明優敘○誠諸臣凡條奏軍國緊要事情務明切簡要曾經人道過者不得勦襲竇陳○命兵部員外孫元化製西洋砲以資防禦○刊

新史試題

有泣自目  
無顏色矣

曾汝石、魏士前、郝土膏、熊奮渭、丁學乾、方逢年、章允儒、  
顧錫疇、李維楨、藉為民復、以土膏賍私、狼藉行、撫按提  
問追賍、從重擬罪。○削御史田惟嘉、石三畏籍。○山東  
巡撫呂純如、疏荐舊賢臣王象乾、素得虜心、方其謝事、  
東歸、虜人有泣下者。今年齒雖高、精神尚旺、所謂一紙  
書賢于十萬兵也。旨下、以象乾年老、所舉不當、責之、

高汝拭曰、典刑在望、佩若著龜、鼎彝在列、護若懷寶、  
老成人、譬之松柏、節久愈堅、譬之薑桂、性久愈烈、  
之醇醪、味之愈和、世固重少年、而輕老成、何也。崇禎  
二年、西虜既梁、朝議推轂、行邊老臣、有及象乾者、  
言官以薦老難之。天子不為動、及召見、一平臺象  
乾、追勝關、腰條對精鑿、雖借箸之籌、聚米之論、無以  
過之。上、以、賜鴈、印、佩龍、文、而出、西虜、休于先聲、  
退兵、六百、里、非主上神武、獨斷、義為言者、所誤、始知  
皇明去傳家、三、明、卷十五、哲、皇帝、

強弩之末。能貫七革。老成人。蓋可輕乎哉。昔鬻熊年九十。周文王曰。老矣。熊曰。捕虎逐麋。臣已老矣。使坐而策國事。尚少也。孟嘗謂楚丘春。秋高矣。丘曰。使坐距拔石。追車赴馬。何暇見老。深謀遠慮。役精神而決嫌疑。吾殆壯也。宗汝濂。爲判磁州。年已七十九。能止康王之轍。獨勸進王。洒泣降劇盜六七種。屢戰屢勝。使其不戾。兩河可復。張德遠。屢彬甫。草不及也。觀三公。而益知老成之賞重矣。

○刑部擬惠世揚重辟。以先帝賓天之日。與楊漣左光斗同惡相濟。造語垂簾。希功定策。致康妃母子踉蹌失所。先經黃克纘賈繼春論列罪狀甚明。及查串通汪文言入王安直。方裝衣密謀。則離間親親。交通近侍。合擬重辟。從之。

世揚身受重刑。知不自免。惟求速死。乃天祐忠義之人。卒脫之唯幸矣哉。

故不其戮

○直隸巡按梁夢環誣奏諸臣奉旨何士晉久依門戶居官貪黷程註附權居間賍私狼藉彼處撫按照原案數目提問追賍解助大工沈維炳黨邪害正賣直沽名著削藉爲民程良籌程註之子除名永不敘用

高汝斌曰逆黨竊柄時報復之害甚至父子兄弟親戚朋友橫加被累如因程註及程良籌因孫居相及孫鼎相因楊璉及楊金通因魏允中及魏光緒因劉鐸及劉垂宝因李應昇及張捷因周起元及張廷拱因張光前及張雲鵬因劉大受及王心一此類未可枚舉其禍蔓延愈廣終令人莫可控制嗟嗟舍軍國之大計而脩同姓之小嫌以有用之精神而報無端之恩怨國家何賴有此臣子哉

削科道范鳳翌姜習孔孫紹沅傅梅吳鳴虞籍爲民奴兵焚掠右屯覺華島議願撤凍糧惟當事者苦腳價

惜小費而  
顧損失策

皇明治世金鑑卷十五  
奏處之艱。又奉有凍糧視緩急行之旨。刑部給事段國  
章上疏言明。旨所謂緩急者。必奴衆遠退。過河歸巢。  
姑從容以俟舟運之便。今奴扎營近地。宜不拘何項錢  
糧。暫那爲腳費。將露囤漕糧。急急搬移京倉。河開則水  
陸并運。冰堅則陸路單運。事後或准并銷。或候抵補。蓋  
京師有糧。則京師有所恃。河路無糧。則奴酋無所因。此  
一舉而兩得。最要緊之着。料當事者。誼切惡公。自有以  
辨此也不報。○起張崔鳴爲南京工部尚書。仍加太子  
太保。○削禮科給事李恒茂籍。○賜寧德公主駙馬  
有福冠服。○西虜搶犯三山堡。趙率教禦之。戮其衆二

餘奪馬二百匹追至高臺堡而止○升李思誠爲禮部尚書董可威工部尚書畢自嚴南京戶部尚書

○寧遠解圍賊至覺華島屠焚右屯聚衆城中拆倉舍以焚總兵楊麒虜去不追虜入不拒殘破城堡不塘報上命削藉于是命經畧尚書高第亦上疏求去覺華島與右屯之糧共七十萬聽其燔燬裝賫楊麒旣不救援經畧亦似無用科道交章第不自安乞去上溫語慰留祈以後效

是時總督高第由楊

高第狀曰奴犯寧遠虜衆五六萬人援兵並無一至青劉兵道楊總兵要統兵出援議講多時挑選兵馬二一已發出關經畧一先撤回豈謂地分守不須拔緩抑兵將矯情勿聽節制豈道寧遠自能堅壁必不



麟之授大  
是夫策

議議停當  
而後出兵  
奴已遠去  
矣

上逆指之  
功者不但

星秀也史  
部宜即報

稱功領總  
說共一百

八十一本  
大項德不

已必將功  
生正祠

已必日呼  
公能人

為因欲之謂抑閔兵不可支敵恐終為餒虎之投耶  
幸而寧城鎮遠焚擊有方而虜退耳萬一怯陷不支  
又為遼東之續誰執其咎至出援復又微回如以出  
閔為險不應委道臣去如以出閔為是不應又收兵  
回總之義不容緩兵實難用不救不可救亦不可此  
議講所以多時也為經臣者將重言往事已怨益怨  
怨更不解將一味隱忍無罪伐罪  
實不甘心夫亦有所不得已矣

○起許弘綱為南京兵部尚書

工部右侍郎管監工程崔呈秀疏言東殿魏忠賢勤慎

惡公清廉勵操以調年例彰朝廷飾愛之仁免風通救

黎庶饑寒之苦一心為國百廢俱舉緝獲每著奇勲四

建更多勞績上嘉悅賜勅旌獎廕弟侄一人都督銀

鈔半酒彩段若干

心也何所  
不玉哉

按崔呈秀之通賢也。自許秉燹始秉燹故石元雅掌家。于呈秀為居停主。因結忘年交。點將錄同志錄。天鑒錄皆秉燹傳進。賢聞之而喜。奉為聖書。日從家來。我替我出。氣報仇者。此也。勸賢封王。一帖亦秉燹所傳。天鑒錄凡三等。首東林。崇魁向高等。三十餘人。次東林者。顧秉謙。魏廣徵等。一百餘人。次與心為國。不附東林者。顧宗契等。十六人。點將錄者。托塔天王李三才也。及時雨。蔡向高也。浪子。錢謙益也。聖手。書生。文震孟也。白面郎君。鄭鄮也。霹靂火。惠世揚也。大力。楊遵也。黑旋風。魏大中。也。智多星。穆昌期也。神机軍師。顧大章也。鼓上皇。汪文言也。凡一百八人。及大工既開。促膝款語。有家人父子之誼焉。不藉秉燹矣。出逆奄傳。

○以來宗道為南京禮部尚書。時推錢象坤為正內。以象坤曾為言官。論劾着冠帶閑住。○造幽簿大駕成。部擬加恩。効勞各官。武職田爾耕等。文職董可威等。銀幣皇明法傳錄卷三 三朝卷十五

候轉升之日加升有差然不及內監璫怒捏旨罰兵部司官俸三月重責其吏書

由簿之設為大祀天地時享太廟郊天萬壽聖節所御者也其制有大輅玉輅大馬輦小馬輦香步輦涼步輦板輿寶帳屋殿奉房大常旗幟等件是役也監冒者自工部尚書而下以至工匠不知幾何人矣

如此寬微其可痛哉

○上朝日壇文武百官于皇極門送駕賜內閣等官飭食盒羊酒等物○戊張慎言

思賢錄言自相亦心

三月詔會官凌遲奸細武長春李應誠等即時處決長

解邊前此

春原係遼東武職因嫖娼李鳳兒情密遂以娶之後在

作詩可觀

京日久盤費告乏因以鳳兒當與樂戶薛應奎竟由寧

大案不刊

遠回遼時奴攻寧遠袁崇煥防甚密難以出城遂同

辛亥通考

之費可比  
不將寒和  
之功何如  
諸國附

斯時正人  
君子百方  
聖取策後  
殆盡開其  
光景朝衣  
冠而非楚  
四後諸諸  
人之鼻戶  
紙與而無  
化若燒佛  
忠義之心  
則其可食  
而其皮可  
食耶

亂民。非山海復遇相知。贈以二百金。因往薛家。而賈鳳  
兒。彼此相爭。誣以爲叛賊。李永芳之壻。長春懼。逃山京。  
東。厥希功。遂擒以爲奸細。擒之。○下前御史周宗建于  
北鎮撫司獄。宗建入臺。卽劾客氏。客脫魏而嘆。旁有閹  
者。拍手舞。謂生富貴。乃在此。謀中之。傳旨杖八十。旣而  
免。巡視光祿。復與司禮王體乾爲難。論票廷杖。然卒不  
杖。壬戌秋。京師久旱。聖上所禱。忽而雨。繼以雹。人  
以聖德格天。稱賀。宗建獨謂雨後大雹。殊屬災異。因  
疏魏忠賢。目不識一丁。豈復能諳其大義耳。目頻笑之。  
際。漸與相親。宮庭禮法之事。漸以相告等語。忠賢大恨。  
皇明法傳錄卷十五 哲皇帝 九

贈趙撫毛  
一覽巡按  
徐吉奉使  
部咨文粹  
宗正事欽  
廷一研勘  
竟無智體  
生食造書  
院傳新公  
費等十金  
禾稱張育  
化清苦之  
官何以堪  
此

于文華殿微講之時。信信詈罵。摘一丁不識兩語。罵詬  
辯之。狂走號奔。願乞爲僧。以罵言者。狼聲直達。御聽。  
初擬杖。葉向高婉解之。三擬杖。而三免。最後與郭鞏許  
奏復。使忠賢。是時猶幸。福清諸臣在事。止于奪俸。及其  
按楚。又劾馮銓之父。馮盛明銓甚恨焉。曹欽程乃銓之  
私人。亦璫之義子。誣以無影之事。遂至詔獄。許顯純訊  
問時。筆楚較衆更毒。宗建偃臥不能出聲。前朝下獄。縉  
紳尚以優待。至此顯純坐鎮撫堂。張拳睜眼。以犬豕罵  
之。曰。此時尚能說考爺不識一丁否。大獄旣成。御史王  
心一請朝房以公義責銓。欲其開釋。銓聲色俱厲。曰。宗

建不宜言郭鞏通內心一含淚而出。璫命釘以鐵釘不  
死。復令着綿衣。而以沸湯澆之。頃刻皮膚捲爛。赤肉滿  
身。婉轉兩日而死。追賍數千。一貧如洗。府縣爲其立簿  
募緣。未了其半。新王龍飛。洞察其冤。一體蠲坐賍。仍給  
五百。以昭憫卹。贈太僕寺卿。廕子庭祚入監讀書。

高汝拭曰。人臣立朝。患無肝胆耳。畏首畏尾。身無餘  
几。惟稟赤心爲獻替。不惑于是非。成敗得失之數者。  
是真豪傑也。宗建陽熱而氣勁。其所建白。定是非。明  
賞罰。折權奸。直心而言。不顧世眼。肝胆何如。其言曰。  
王聖弄權。宋娥專寵。令首惡盈庭。朝恩來叛。童貫招夷。  
逆振逆瑾。取鑒弗遠。其詞危矣。無以中人參決。疆場  
之事。無以庶登品。騰文武之才。其言凜矣。權璫貿易。  
報復于言官。言官乞聲勢于中貴。其言痛矣。以危詞  
關凜旨。以凜旨發痛詞。魏父客母之日。誰其容之。耶  
宗建居常。又言七尺可輕。今果輕七尺人也。七尺輕。而

名重如山。誰謂七人之徒輕也。乎哉。諒非無肝膽者。不能辨此。

三月朵顏等衛夷人炒朵兒進貢朝鮮陪臣全堤等慶賀。○經畧高第以病免。從之。○中后所災

火燒殿舍糧火藥器械若干。命嚴究失事之人。

○以內監劉應坤鎮守山海關。陶文紀用。鎮守山海左右提督忠勇營孫茂林。武俊。王蒞朝。分守中軍。俱住扎于山海軍中。戰守一應事務。命與文武將吏計議而行。清查糧餉器械馬匹。遇聲息緩急。進止機宜。務宜據實直寫密封。不時星馳走報。

時聖諭數百言。內有永樂宣德正統以來節次設鎮守分守等官。後因有司廢弛奏革。至于神祖

末年全遼陷沒恢復何時始知祖宗朝設立鎮守內臣原非無意未裁之先邊警驟頻而金甌無失既革之後虜騎未至全鎮胥論由此觀之孰得孰失等語又曰歷選前代以至本朝內臣戡亂討賊立功絕域者不可勝紀噫誰爲草此詔者真可咲也

○封魏良卿肅寧伯給四代誥命養贍地土七百頃

案忠賢初掌惜薪司內府供用處提督寶和店三年掌東廠前後溫旨無美獎勅約百道閣臣撰勅全學阿瞞九錫丈体見者咋舌先是掌司禮秉筆非公事不得出体乾選奶口寅出申入不過宿卽二年賢未敢遠出至四年後外庭羽翼遂至琉璃河涿州等處招遙義輔以恣馳逐每先期治儲待于停驂所在數千百騎絡繹不絕民戶焚香頂禮又以與夫選駕四馬輿青蓋羽幢環遶夾擁疾于飛鳥凡御前屬要章疏承貞等遣急足馳白卽百里外一日常再往還也每日銀臺到本分閱者王体乾梁棟李承貞石元雅徐文輔凡閱切者鈐以寸紙又捏一指甲重虎爲識承貞等以次朗誦而体乾爲之註脚焉賜票封本



亦如之。雖然，天帝矣，即伯爵之封，亦其  
借途，豈甘心于此哉？出逆卷傳

○詔撤 御前帑銀四十萬，莽衣膝襪二百疋， 神廟

昭妃、中宮、皇貴妃、皇子及諸王、公主、司禮監等官銀六

十萬，并軍前火器、砲銃、弓箭等，即令劉應坤、賁發、閔外

賞軍應用。○大學士顧秉謙等揭請收回鎮守成命，

諭曰：昨遣內官出，原以清查糧餉軍馬，綜核防守，無非

法。成祖以來，曾有之例，且使恢復封疆之大計，卿等

既以議妥，擬諭施行，今何得以外廷羣小之言，輒又阻

疑？

前旨已既  
以議妥擬  
以施行可  
見閣中與  
內監通同  
商議想設  
時雖有唯  
唯欲係上  
此揭以掩  
承人耳目  
耳

唐以一魚朝恩為觀軍容使，以討安慶緒，敗亡，遺虜  
況李郭為無尤，不免其責于伯州，今六中臣並出聖

將吏之肘繫任事之心其有不敗者乎

### 陞徐大化工部左侍郎督理大工

按楊漣等六人初借移宮爲案後伏改爲封疆大務宮但屬楊左耳與碩大章等无與也封疆但用朝廟若廷強而預大章與楊漣相誶辨楊左四人又尤與也忠賢既欲報二十四罪之恨我廣微又欲修糾論失儀之仇以封疆中入移官此諱之主張黃正賓曰我廣微發蹤而指示者徐大化也人化浙人冒籍京師以三次考察部郎不三年驟顯尚書始以熊廷弼類疏見親乃逢其惡某宜戍某宜追某宜削奪一教錄肆其毒手又寅緣督理大工日受忠賢色笑成尅工民無筭最後私受銅商原賄那借錢數二十萬崔呈秀惡其專利始力詆於忠賢奉令歸作大化以此觸逆與表侄楊維垣密謀首奔呈秀以爲當身轉局之地新王登極大化始投大解詭

○四月命追前左諭德繆昌期下鎮撫司獄昌期自湖

廣興試策語侵瑞、瑞已心銜恨矣。及楊漣草二十四罪疏，成昌期爲之改竄，心愈恨之。猶以其文冠當代，陰收人望，遂轉其春坊。瑞營妓于玉泉山，碑石崢嶸，情所鍾。說昌期曰：魏公生墓告成，規模雄峙，非榮也，必得如椽一言，可垂千秋矣。昌期嘆目而言曰：吾生平齒爲訣墓，豈肯爲瑞顧指耶？客曰：身履虎尾，不畏其噬耶？壽寧事可鑒也。昌期大恚，叱曰：壽寧曾困李獻吉，今日壽寧安在？瑞聞大怒，至是組爲邪黨，竄入織造。李實疏中，與周順昌等同詔獄，爲許顯純斃于獄底。後贈詹事府正詹事，錄一子入監讀書。○以劉詔爲右僉都御史，巡撫薊

謂臣大臣  
俱陪內臣  
呈秀標  
之  
小人從風  
響應如此

遼○刑刑科給事周拱謨籍爲民罷翰林學士成基命  
冠帶閑住○廣東道御史劉徽稱魏忠賢緝奸除莠  
用惠商剔盜儲之積習以清庾府擒逆賊之細作以清  
禍源等語上嘉悅敕詔答之○改南京兵科給事袁  
玉佩爲兵科給事中時刑部尚書徐兆魁疏荐其才可  
授北科或加少卿銜皆任監軍與崇煥從長計畫○御  
史倪文煥疏諸臣者百姓之倡也大臣者小臣之倡也  
內臣者外臣之倡也今閣臣顧秉謙等捐助以千計屢  
臣魏忠賢等捐助以萬計誰非臣子誰不可以忠義相  
鼓動大臣如此小臣其曷敢自愛內臣如此外臣其曷  
皇明法傳錄卷十五 著皇帝 三

正人指邪  
入焉邪邪  
人亦指正  
入焉邪何  
從分別然  
顧所使及  
無德焉指  
沐得之史  
將定竟不  
得目為邪  
入焉邪口  
馬流之  
討深可痛  
與年未安  
其多日門  
戶口東林  
以教其徒  
其徒海通  
元氣則完  
時又修于

敢自愛諸臣如此小民又曷不慕義自勉攸 肯答之  
○御史牟志夔奏張問達東林邪黨宜提究追贓 上  
以既經削奪所奏准豁姑着損貲十萬以助軍興  
上命工部右侍郎崔呈秀將 神祖朝妖書並封之國  
三事宜付史館列其大槩本末于要典之端○封西洋  
砲為安國全軍平遼靖虜大將軍遣官致祭○魏良卿  
請第宅朝房工部議照李成梁例給庫銀一萬九千兩  
為第宅之價以武清伯西朝房改付從之○以孫杰為  
協理工程工部侍郎崔呈秀為工部左侍郎兼左僉都  
御史○大學士丁紹軾卒○迨前吏部主事周順昌錦

宋唐矣

范邵攸郵  
疏曰順昌  
表影無情  
心曲簡特  
亦是歸全

衣衛差官張應龍等激變地方。擠傷旗尉。隨從李國柱  
身歿。舊例一犯官一駕帖。每一帖則官旗二人。錦衣衛  
千戶張應龍文之豹。其奉命者也。而僞從五十餘人。假  
其虎威。沿途索詐。傲慢凌虐。殆不可言。周順昌居鄉清  
謹。吳人素爲愛重。一旦被逮。大拂民心。比其開讀。蓋在  
三月十八先期。沿途士民傳香盟衆。欲以訴冤于撫院。  
及開讀間。擁擠入堂。左右未免阻叱。士民疾聲大呼曰。  
爾太監何以擅自拏官也。假捏之旨。安得妄行。官旗挪  
榆之人心。當憤激之時。復又遭官旗之叱。悲堂下喧呼。  
勢若轟雷。官旂把捉不定。欲趨避之。衆遂攘臂擁擠。隨

從李國柱受傷。越二日而身斃。當其鼓噪也。昌乃鞠躬謝衆云。原係不肖。致干聖怒。與若輩何涉。倘有所損。愈其我之罪也。衆方帖然。尤遠護不散。撫按許出疏保留。無煩爾衆驚聞。衆意稍解。隨送昌順于別署安輯。而散適胥門外。又有北來往浙者。至郵傳與馴子爭兢。以屠夫又以賣肉被奪。兩相搏毆。許爾成偏袒一呼。顏佩韋等嚮應。衆以有司擁護。始得出境。然失散駕帖。抵關無憑。照驗浙人竟閉門不納而去。當事者不罪緹騎之激變。而反責蘇民發大難之端。竟置顏佩韋五人于法。○水西苗老虎。阿引等。殺少奢寅來降。隨獲逆賊遺首。以

獻苗老虎、隨侍奢寅有年者已、乃寅騎引馬之奴李老  
松、乃寅看茶之奴、與寅同居。藉舌填上、寅妻在簣林山  
上、相去二三里。奢崇明、往克仲填、相距三百餘里。寅子  
阿甫、年七歲、一女嫁芒部、時水西、約二月、三路興兵、一  
攻南雲、一攻遵義、奢寅專攻永寧、寅素性兇淫、附近夷  
人妻女、見有姿色者、強奸之、富于財者、強索其銀、不遂  
卽打、以此部下多往鎮雄、芒部逃生、其手下夷人、阿引  
等、自有外心、與總兵李惟新、歃血共圖大事、阿引復被  
寅責、因勾合苗老虎、拍登、李明山議事、適奢寅與都督  
樊虎等、飲酒、沉醉歌畢、登牀而睡、老虎伴與寅蓋絮、見



寅睡方酣持刀斫其臂寅大呼李明山伏助斫身成腸  
出明山刀折偽總兵等闖入而苗老虎等驚走竟往箐  
中拏寅妻妻已聞變逃矣期時賊黨追趕苗老虎等其  
窘至一碗木值官兵接者投降總兵李惟新因率兵同  
往聶舌尋取寅尸一半燬焚一半埋于克仲堪趙七等  
私掘藏于寨中至是投獻云

中國長技火器稱最往賊寅之攻圍城部駕旱船一  
隻高距其上俯窺城中合抱之柱四寸之板制堅而  
巧暗中用牛二百隻拖拽距城二十餘丈此用大銃  
并七鎗砲十二架更當擊之盡裂賊遂氣阻不敢逼  
近城垣此七鎗砲需石大小若干用之無不中凡  
車雲梯挨牌鎗藥俱能擊碎此勝籌防禦之一  
○詔究問錦衣百戶王道行需索激變併勅蕪州

犯部飲鉅  
 淫口華龍  
 忠維報國  
 看足辨奸  
 以寒謬之  
 身宿貪鄙  
 方張之焰  
 湯灶蕭天  
 處辨從容  
 于止水亭  
 提騎動地  
 來抵過品  
 于川露澤  
 即望親王  
 愛亦曰高  
 攀龍有諸  
 劫前呈孝  
 追離之疏  
 晏禍之醢

地方官密拏首惡以正國法○左都御史高攀龍卒迨  
 其子世儒冤問洩漏根因時有旨袒解攀龍官旂未至  
 龍卽溺于園池身故上以預先知覺乃行自盡誰人  
 漏泄故迨其子也攀龍之殺機種于崔呈秀呈秀按撫  
 淮南有狼藉聲攀龍發其罪欲按律遣戍卒爲內魏所  
 持竟得復職遂以肆其辣手龍生平抗直忠義自命及  
 削籍家居杜門著書聞緹騎至焚香沐浴手繕遺疏封  
 固以授其子曰事急方啓之乃給家人曰汝輩各自寢  
 息勿得驚恐諒無大禍我欲獨臥一室熟思良策明早  
 自有處分耳夜半密起整衣冠望闕叩頭自投于園池

無如此臣  
然以純忠  
考案國道  
御史楊清  
激濁開其  
職掌也其  
人品詳評  
可知

次早世儒密矚寂無人聲啓戶視之惟空牀與孤燈耳  
留詩一律寓意知沒于汨羅亟走池中出尸隨報有司  
親臨相視因以遺疏附呈疏曰臣雖削籍舊屬大臣大  
臣不可辱辱大臣則辱國矣謹北面以效屈平之遺君  
恩未報願結來生望使者持此以復皇上崇禎元年  
贈太子太保兵部尚書諡忠憲世儒廕入國子監讀書  
高汝拭曰說者謂攀龍絕惡太峻非容人有所以及  
於難昔宣宗時顧佐爲御史大夫懲貪汙御史數  
十員臺中股栗天下最不能容人者莫顧公若也而  
蕩除穢風卒贊宣宗之治彼遭其幸此遭其不幸耳  
救世之道用賢去惡而已用賢必用賢之尤去惡必  
去惡之巨捐攀龍弗進而貪汙御史弗黜顧托言執  
中用中耶是時中不若是矣  
於是不能不爲世道之一慨

明昌人傑  
也。觸奸混  
是刑。勝至  
死。終無  
指。

祖文義文

御史吳煥  
曰。立國之

○以寧遠大提加恩元輔顧秉謙等并東廠太監魏忠  
賢劉應坤王體乾等官級恩蔭銀幣有差○迨周順昌  
至京下鎮撫司獄追賍先是詔使至郡檄縣官自詣主  
名時邑令陳文瑞昌所拔士也夜半叩戶求見撫牀而  
慟昌曰吾固知詔使必至此意中事爾毋效楚囚泣其  
夫人吳氏知之號泣昏絕者再昌神色自如意氣浩然  
其友朱祖文曰范司隸屬子數語千載酸鼻若獨超然  
耶昌曰毋事亂人懷也收束書帙毅然登車祖文陰隨  
之以往斯時合郡士民情憤懣不平攘臂官旂欲出順昌  
于難昌鞠躬求衆以解越四日夜半寂無人知隨從騎

維康恥為  
面揚運周  
宗建等皆  
碎骨裂膚  
順昌拔舌  
腹不屬不  
絕口而死  
生氣凜凜  
為臣死忠  
之事尚留  
此一幾于  
辱也耳

輕舸而去及下獄顯純極刑箠楚拷比更嚴一擊下則一呼聖祖列宗隨嚙指睜目厲聲以罵罵不絕口忠賢恨甚誣以二萬餘贖尸出穴時無寸絲掩骼止見頭顱髮鬚英氣凜凜逼人耳祖文隨之往晝伏夜行潛達京師冀得一當以脫昌于虎口志卒不遂亦解爵抱憤卒

新王褒忠 命從攸卹部議贈太常寺卿謚忠介元兇魏忠賢崔呈秀許顯純倪文煥曹欽程伏誅李實遣戍

高汝拭曰聞順昌行時人謂之曰公不幸遭清流之禍忠貞無全者矧變因公起恐徒自苦昌嘆曰以我一人貽禍桑梓歟且日不暇豈不知自裁然昌小臣也豈得引高公不辱之義乎今赴都必死以則所

高皇帝述種元魁以清君側之惡公等他日爲我作  
忠臣傳可耳近江都傳言倪文煥家白日見昌冠服  
坐堂中旁有五人皆武裝侍左右煥家大怖越數日  
而文煥認獄矣至忠賢出張儀門時見楊建請公忙  
趨前後豈精英未散耶抑冤仇報復之不夷耶灌將  
軍忠孝者西漢而不忘武安矧忠賢文煥愆罪過武  
安昌等不遜除爲國家除賊耳真神不泯炳耀古今  
豈虛語哉

命鎮操司追究官旂毛文明等需索楊漣程儀等銀二  
千二百王道行等需索周宗建繆昌期一千四百兩

工科給事虞廷陞疏言我皇上庸覽獨裁特簡史  
臣考訂三案彙集成書條酌閎擬命曰三朝要典灼見  
羣喙之煩蕪道之曰要更痛懲臆見之搖惑核之曰典  
要典集而君臣父子之倫貞邪功過之案詞嚴義正昭

如日星邇乃相傳有所謂天鑒錄外又有點將錄初終同心錄石碣錄偽鑒錄等本不一而足伏乞嚴禁盡行毀絕以培植正人護持元氣從之

蕭遼總督疏奴酋夾河一帶欲圖謀犯想其見覺華島嶼之勝美而欲來乞令毛文龍統舟師屯水寨葢州套以嚴防守報可

以寧遠奏捷加袁崇煥兵部右侍郎兼右僉都御史除于世襲錦衣衛正千戶總兵滿桂趙率教等俱升左都督與部督僉事有差

總兵毛文龍奏活擒真夷二十九名并馬騾夷器盛甲

薊遼提督。既奴酋夾河一帶。欲圖謀犯。想其見覺華島之勝美。而欲來乞令提兵毛文龍。統舟師屯水塞。蓋州奪以嚴防守。報可。

寧遠之役。奴擁衆入犯。而終有內顧之慮者。殆支龍牽制之力歟。

○贈劉光復太常寺卿。廕一子入監讀書。○命清查

斯時則奎

遠繫全以

門戶二字

也。局原統

著之字左

右之祖系

可不分明

廷豈一家

之私則皆

京營兵馬。盡數歸伍。有仍前隱占者。指名奏參。

時地方失盜。查補營額軍一萬。止五千應役。營

馬盡各乘坐。至是起視科道查參。奉旨清還。

○削太僕寺少卿史弼籍。○大理寺寺正許志吉疏劾

御史張繼孟。命削籍。着南京法司提問追贓。○吏部

以稽勲司缺。郎中推員外李白春。突旨削籍爲民。



登之說何  
須定多  
見其知迷  
而量也

札部做郵  
疏曰呂言  
可泣鬼神  
一死不忘  
君父

三朝卷十五  
或汝杖曰此時削奪皆好修之士悉以門戶處之故  
或有被論者有推升者有無故而倏出中旨者而  
于夫余士一時驟顯更以操生殺予奪之權何怪乎  
芝蘭剪而荆棘叢哉君子觀于人才進退之際可以  
識世運之盛衰矣

○迨御史李應昇至京下鎮撫司獄究問追贓應昇初  
人臺卽有海內民寤已甚東省亂形可虞一疏以責東  
撫次有公論久已誅心大臣不宜掩耳一疏以責南臺  
甲子正月又有撫時直發狂愚觸事略商補救一疏以  
陳三患三病而歸于明賞罰三月又有縷析民情仰動  
天心一疏以陳十害三反而歸于恤畿民先是欲上文  
通內外一疏以劾忠賢會楊漣疏上遂易稿以奏有大

奮乾綱立加斥逐一疏以感悟聖心于是忠賢切齒嗣  
後救萬環有疏劾廣微有疏廣微見疏棄擲于地不食  
者二日欲廷杖之讀至異日何以見迺父于地下一段  
氣歎迺已方駕帖之至也昇獨立門側佇望使來一無  
他顧惟慰父母云兒此去或微君恩得以生還慎勿憂  
念縣尹至門奮身就道登舟作賦倚馬吟詩毫無悲愁  
悵鬱之色臨危手書誠子讀之一字一淚聞者傷心焉  
成于本年八月某日 上憫成事諸臣贈太僕寺卿廕  
一子入監讀書

高汝拭曰應昇請廕據慷慨激切言言膽炙字字憂危  
實語語一而誠也所論者非三事大臣即左右近習故  
三月去專集

此揭敵有  
益于諸罪  
人第恐於  
抄者如是  
在逆者而  
未免加功  
耳

余有詩以嘲之曰不挑弱子驅燕雀獨操巨斧遇戈  
矛言雖理而實確應昇亦有詩曰白雲渺渺迷歸夢  
春艸萋萋泣路岐寄與兒曹笑筆硯好將翠  
轡聽黃鸝雖言外有憤可謂怨而不怒矣

○內閣揭奏繆昌期周宗建周順昌李應昇送鎮撫司  
竊惟國家設刑部而又有都察院大理寺無非欲其詳  
刑明罰以昭公道以服人心也今諸人誠有罪矣然不  
無輕重一槩送鎮撫司拷訊榜掠之下何求不得身非  
木石豈能久延故有甘自誣服以少緩須臾疾者矣亦  
有情未輸吐而身已就斃者然罪狀未明輕重失等非  
法之平也不聽○戍毛士龍削夏嘉遇姜志禮王心一  
劉大受等籍○安邦彥率兵數萬渡江與我兵大戰總

兵脅欽禦之賊勢甚銳漸逼官壘廂姑孫官堡被燒劫各兵逃散

五月王恭廠火藥爲災火驟發沿近屋舍因而象房震倒羣象驚逸出不可控制宮中獸頭冲下打灰內官兩員火烟燭天不可撲滅下詔修省

火藥原係制勝神器最爲嚴戒星火未嘗入門忽然相傳奴遣奸細十人至京潛置內應耳前年濟象所火藥大發吃爲異變今隔城三四里遭數千百家其異更不可勝言矣

○改御用監外西廠房爲安民廠王恭廠之災也其初聲若轟雷山裂管廠太監震倒半晌餘監皆焚灰止存吳二等數人問其初發旋風一道內有火光致滿廠藥

鐔盡發內夥三十五人燒灰火藥數萬斤俱盡大可異者神前大樹盡拔而無焚燎之迹藥樓甚高平陷數坑約濶十三步深二丈庫中軍器盔甲火箭如故第沉埋于地耳震倒民房一萬九百餘間人民壓灰者五萬七千餘人被磚石伏掩者又不計其數茲因工程煩費難以修造因以版房三所共計二百餘間頒安神器錢糧等項○崔呈秀奏言工費無厝將在京尚書以下在外州縣正官以上及捐俸薪一年其公侯駙馬伯五府升俸都督等官翰林院史館等并在外首領佐貳免捐從之○河南道御史王法等奏言天心仁愛變不虛生

此亦有意  
以爲言者

茲者火焰震厲掃焚數里伏壓數千命 皇上克謹天  
戒體上天好生之心凡大小獄情一付法司推問如律  
不得已而灰之使灰者心肯又曰合計海內人心隱隱  
尚多鬱象鬱而火伏焉鬱而明陽搏擊焉鬱而颶舉勃  
發焉此震恐之天變不可不垂意也不報○總兵張雲  
鵬與安邦彥戰于趙官堡大戰二日小戰二日所殺無  
數水內水外之賊奔逃潰歸道路復通復斬河沙壩之  
羅鬼白納一帶之夷盡爲奪氣○革經畧遼東樞臣高  
第麟玉○荆歐陽暉爲民知府劉鐸復職鐸與僧人本  
福同鄉僧欲借名縉紳以題詩扇鐸不長于詩乃倩暉

題之而識以已之姓名圖書然僧貌寢陋形復不揚異言異服爲廠中緝事所擒疏聞下鎮撫司訊問福招與鐸往來有詩三首相贈時鐸已赴任楊州矣其黨閼詩謂多訕刺譏切朝廷因追鐸至與僧面質鐸言歐陽暉所作復追暉至而暉卽承之因削暉籍而復鐸之職○朝天宮三殿兩廊災共焚房一百三十二間○兵部尚書王永光奏 皇上者天所鍾愛而不忍加怒者也乃一怒而地震如雷萬象傾覆再怒而祝融爲虐朝天宮付之烈焰矣以四方輻輳之地半屬兵墟以千官呼祝之壇盡爲灰燼卽行路盡爲恍惜况臣子能不痛心

思水旱盜賊之變。猶待章疏奏聞。卽日月薄。彗星反逆。行亦須太史之占候。茲獨譴告于都城之內。迭徵于旬日之間。甚至雨澤未沛。水雹隨之。乖戾之象。皇上亦旣耳聞目擊。悚惕不寧矣。乃諸臣條上封事。自停刑罷稅之外。率未能恩免何項。寬卹何人。槩以知道了三字。應之。夫委之不知。尤俟有悔悟之日。知而不改。何時是蘓息之期。詩曰。天之方蹶。無然泄泄。敢爲皇上與諸臣交頌之。疏入。旨以危言激聒。明是要君責之。○周順昌。周宗建。先後並卒于獄。○忠義夫人卒。上令通官賫香帛往。復給祭七壇。緣段十二表裏。布百疋。以示旌



卹忠義者始封順義王親孫把漢那吉之嫡妻于隆慶四年夫妻慕義投服中國僉達執叛贖還進表納款邊塞寧謐五十餘年厥功首于夫人且歷年約束諸酋勤修貢市款市之堅大有力焉第卜石兔貪淫狡縱每睨而思併吞之忠義之孫曰工部習令尚在幼齡東西兩哨悉皆稚子部臣上其事謂宜加攸卹聯絡遺孽以堅恭順之念命照忠順之例予以褒卹云○總兵趙率教滿桂兩鎮不和奉旨撤滿桂回京既而督師王之臣與巡撫袁崇煥又各疏求去上命九卿科道議之○六月皇子薨謚爲獻懷太子○削刑部侍郎沈演籍

又與一大  
獄矣竟哉

○京師地震時轟然有聲屋宇搖動滿城皆然○京師  
大雨西山橫水驟發城中水深六尺新舊屋舍傾倒不  
計其數歷死者甚衆蘆溝橋人家被水衝去良鄉城俱  
傾勢若江河尸橫遍野直至涿州而止下詔賑恤○命  
錦衣衛迨吳君實吳養春程夢庚等解京究問吳養春  
與吳養澤胞弟兄也始爭產構訟以黃山事跡告縣其  
時歛令張濤詳請按臺駱駿曾勘明題奏追沒黃山一  
半入官率畱中不下蓋神祖藏富于民不欲浸民以  
開言利之端耳自養澤死其僕吳榮吞主產蒸王妾從  
前構釁皆由之是以春恨之深置干辟榮倖脫入京首

髮典一才  
 崇禎元年  
 編修元  
 刑官諸  
 孫之  
 孫與  
 爭不可  
 至破  
 直即  
 玉曰  
 以受  
 官  
 下  
 腐之  
 而以  
 乃哭

發養春、隱欺黃山、蓋黃山雖有二千四百畝、然在縣西  
 北角、懸崖峭壁、草木不生、上下泥石相兼、不可耕種、而  
 逆璫、璽為奇貨、希旨列爵、之迨養春父子、併程夢庚等、  
 其捧檄提騎、卽前被叅之王蒞民也、一村、落間、欽犯八  
 名、立刻就迨、百姓震驚、幾釀不測、後懸坐吳養春、贓六  
 十餘萬、程夢庚、贓十三萬、六千兩、山塲木植銀三十餘  
 萬、兩着工部差官、公同撫按估計、變價山塲地、共二千  
 四百餘畝、盡歸朝廷、○三朝要典成、史官進呈、聖覽  
 畢、命公同內外官員、送皇史宬收藏、  
 閏六月二十一日、子夜、從西北起火、大雷霹靂一聲、紅

芝岐非  
吳長典哭  
憲公耳

光一塊落于中府東梁舊草頂上。隨卽火起。時值大雨。火勢更張。紅光逼撤。移時不息。○大學士馮銓予告回藉。○罷刑部尚書徐紹魁。御史溫國奇復提劉鐸下鎮撫司獄。方鐸下獄之時。李承恩方震孺俱在獄中。三人朝夕談吐。意氣相得。李承恩者。逆璫所緝。誣以擅用龍袍擬斬。震孺則誣以案遼無狀。擬戍。未遣者也。承恩當熱審之期。意冀申冤。免震孺。關說震孺難之。議遂寢。而謀之鐸。鐸未有以應也。會鐸事白。出獄。將之任。遇承恩之子李端傳。父命復申前請。鐸遂與耗同年。溫國奇轉懇尚書徐紹魁。開釋其罪。以家藏金葉二扇及光東玉

高皇帝嘗  
與唐微論  
日論獄細  
原情不可  
論決心直  
三詳問  
泰而行焉  
出入係生  
死之關  
明允猶  
欽恤之意  
自能者弄  
權殺人焉  
故公案不  
經法司之  
法判大能  
平出厥衡  
之註承以  
與法已盡

帶一條為謝舊例出入成罪全憑堂案低昂而刑部廣  
東司書辦史大仁者正承行其事承恩邀之入獄以五  
十金為壽求其周旋大仁允而納其銀歸至中途事機  
不密遂為東廠所獲訊出承恩開說事連及鐸復下之  
獄鐸此時貲斧已竭命僕劉富至家取銀及富囊銀而  
來為假番蕭三所獲分其銀之半而三釋之不意蕭三  
又為真番孫守貴所獲捕送都督張體乾蓋解假番非  
解劉富也而體乾心知忠賢素恨鐸欲以取媚併迫劉  
富文飾虛詞謂鐸情厭臣之發其事也因與假官曾雲  
龍同謀倩道士方景陽咀呪厭臣等情瑣聞大怒卽刻

故深文以  
 重其罪或  
 引例可原  
 反信律以  
 重其罪年  
 監無証天  
 假成與校  
 戊擬杖放  
 生番為打  
 死者猶為  
 方雲謂之  
 獄其可也  
 也  
 禮部依鄭  
 疏日加以  
 誣言又  
 之罪何奉  
 糾當節美  
 之身西  
 際開長生

令谷應選迨景陽至榜掠數百景陽不勝痛苦一一誣  
 服然景陽實不識鐸面鐸于兩造時亦不曾與景陽面  
 質脫空羅織下部定罪部始擬戊既擬絞忠賢捏旨使  
 從重再擬是時景陽已斃于獄而刑部尚書薛貞畏璫  
 如虎承順風旨竟擬斬決不待時疏上報可方貞再審  
 鐸當堂質辯貞曰當今之時只管自己功名那管他人  
 性命鐸曰一時功名有恨千秋清議難逃貞大恨之朴  
 之二十于八月二十八日詔斬于西市并戮景陽之屍  
 劉官曾雲龍皆絞殺焉因賞體乾緝捕之功陞都督同  
 知谷應選參將天啓七年令上登極亦戮體乾絞殺

心利又曰  
劉翁兩造  
恰當亦痛  
一旦身首  
橫分元凶  
冤極苦者  
也前問彭  
祭一增仍  
請時思心  
等

黃尊素  
瑞泰不  
生輪池  
薛一死  
龍部飲  
雖語也

谷應選片斬薛貞以低價贈鐸太僕寺少卿

高汝斌曰詩薛即真不過語言文字罪耳何至詔獄  
詔獄矣而審非其筆旨復原官可以去矣居間閭  
說何為也易得無罪獨怪司刑者讀聖賢書焉天子  
執法臣不能以去就爭而殺人如人耶夫殺人何事  
阻與何律豈不與兩造而實終以一紙其須有成  
不更之案者忠賢誤也而貞益之新忠賢誤也而貞  
授之柄是為何忍也聞其受戮西市白日藏光黑雲罩  
地長安無不慘泣冤苦孰過于是嘗讀御史陳朝幹  
疏忠賢用選愛憎授意私人斃于闕上者無限而最  
際者無如劉鐸一案即果明也亦屬公惡况無此事  
耶祖宗尊賢敬士如天大德焉  
不韋德便凡盡隨知言哉知言哉

○浙江巡按解黃尊素到下鎮撫司獄○千酋挾賞步

首千兒罵同母麻 千率衆執舊帖文索賞四百二十

餘兩邊吏詰責首辭榮選竟欲猖獗憤怒而去○逆首

聖人

解後遺地  
數萬以百  
取千孫  
泥沙之月  
祭德業  
和承尸祝  
之數

掩襲抄化部落殺其名王盡掠其牛馬故避難來歸皆  
師王之臣譯審真確歸來漢人度地安插其夷衆老弱  
部落善爲慰候事定仍歸虜營○吏部尚書王紹徽予  
告回藉以周應秋代之升房壯麗爲左都御史薛貞刑  
部尚書馮嘉會仍以兵部尚書四部管事○上降勅  
旌獎東廠魏忠賢撲滅雷火之功從尚書薛貞之請也  
○浙江巡撫潘汝楨請俯順輿情興建厥臣祠宇賜額  
以垂不朽從之時潘疏先至而巡按劉之侍疏遲到一  
日增怒遂例推而削奪之

禮科闕可陸日二三年來獻類建祠幾半海內除臺  
臣等先所勘外尚有創言建祠者李養也其天津  
聖明法傳錄卷十五 崇禎皇帝 二十七



河間真定等處倡率士民搜金建祠上梁建像行五  
拜禮呼九千歲目中真不知有君父矣制建兩祠者  
李精白也其遷忠賢像旗幟上對聯有云至神至聖  
中乾坤而立極多福多壽同日月以嘗明若乃毛一  
鷲之建祠應天姚宗文張翼明建祠于湖廣大同朱  
家童建祠于延發琉璃瓦劉詔蓟州建祠用冕綾金  
像吳淳夫臨清祠毀民房萬餘間河南建祠毀民房  
一萬七千餘間江西建祠毀先賢清臺咸明之祠諸  
如此輩不可勝紀上得罪于名教下  
橫惡于生民皆汝楨之疏作之俑也

秋七月靈雨爲災遼城倒塌巡撫袁崇煥奏聞上命

加意設法料理○擇次年二月初三日信王行親巡禮

○韓三原供輔臣韓爌受其贓銀二千六百兩俱撫司  
以聞上命行本處撫按追解逮完

○削知府顏客暄藉先是鹽運司解貯庫銀兩係內監

劉文曜所解而容賄從操臣胡東漸之說乃自謂解旨以抗違阻撓稽緩悞事削之○詔以履部左侍郎施鳳來張端齒詹事李國樞各升禮部尚書東閣大學士俱入內閣同首輔顧秉謙等辦事○詔刑部擬犯人徐自強罪并責皇親張國紀不得濫用匪人宐恪遵禮義以府丞劉志選希璫意劾之也○登州衛所西北角樓于本月十六日五更守宿人見紅雲一塊自西南起直至北樓內有聲如雷頃刻焚烈壓死守宿軍士積貯火藥蕩然一空巡撫李嵩聞其事于朝○削太僕寺卿倪思輝翰林學士錢龍錫光祿卿徐如珂南京兵部右侍郎

御史鄭天  
璠曰逆地

餘學和  
大寺新

一六

朱欽相藉爲民太僕寺卿。顧造冠帶周住。○遼撫袁崇  
煥請于寧遠另設餉司。當管關外糧餉。因舉主事孫止  
孝往充其任。至海陸等所。盡行裁革。一應支費。克餉司  
之用。從之。并命翰林撰勅。禮部鑄造關防。差滿一年。回  
部攸敘。○以郭允厚爲戶部尚書。蘓茂相以戶部尚書  
總督倉場。郭尚友以戶部侍郎總督漕運。崔呈秀升工  
部尚書。兼左副都御史。孫杰升兵部。添設左侍郎。督察  
天下兵部尚書王承先。戶部尚書李起元。各予告馳驛  
回藉。

皇明續紀三朝法傳錄卷之十五 終

皇明續紀三朝法傳全錄卷十六

西湖 高汝拭 輯

高鼎煒 正

丙寅天啓六年九月巡撫袁崇煥奏曰千里饋糧士有  
饑色進則因糧于敵退則寓兵于農兵家正法故勢在  
必更屯爲急而圖屯又以預爲急請減運折價解至寧  
遠預買牛買具以備屯種又曰賊圍寧遠時職謝絕援  
兵示諸臣以必死令其念之不得轉又飲奕以安之嚴  
令以絕之至對敵時擡銀數鞘開而置之城上曰用  
命者與之一元寶擇奮勇者賞之賞不必通而人人其

如此漸次  
莫足得七  
死功

得此賞無不用命者職之屯亦卽此意通之耳。○周起元卒于獄。○以李思誠爲禮部尙書。○贈貴州死難道  
李特茂爲貴州按察司副使。廢一子入監讀書。○大  
學士顧秉謙予告。加太師回籍。○哈酋一族較諸酋黠  
甚。黑灰等酋勾引盤踞南山。先曾犯卯來泉。未敢深入  
亦未經大剽掠。邊外牧放番馬而去。茲糾合諸酋犯我  
斗鎮總兵董提大兵戰于牛心山。斬首四十餘級。乘  
勝長驅。又斬一十九顆。火砲猛烈。賊虜紛紛落馬。羌夷  
駭愕。○皇極殿成。上于九月二十五日卯時升殿。百  
官慶賀。効勞諸臣晉秩恩賚有差。

先給勻貽諸賊而後舉焉。頒偽劄印、黃蓋、紫袍、毡刀、銀馬，無所不至。查天啓二年，安以二月初七日圍龍里新添、青定、平城、都勻，皆勻哈長田一帶之賊。迨貴陽圍解，四年來官兵東征西討，獨後勻哈時不暇及。姑緩以圖大創耳。不意彼積聚饒而煩衍盛，養成其鴛驚。自清平以及新添，無處不出劫，無日不報警。初止數十成羣，後則聚至二三百。初止截搶客貨，後則劫奪官府。甚而搶餉往來之血脉，几斷全黔之咽喉。已寨平越知府會同都司張雲鵬率兵首攻擺沙大寨，擺沙居寨之中，又距平越百餘里。連夜由間道掩襲，四路合攻。賊聞夜遁入

菁。其中米積如山。次日搜百里大山移營牛場菁保文  
營。攻慶岳兵所等寨。復攻都勻城。西南仲賊八路會兵。  
追寅入菁。各有斬獲。復攻江時橋等處。破百餘寨。斬首  
二千三百七十餘級。俘獲無算。賊首五十餘名。掃蕩二  
百餘里。自二月初三出師。至六月十五班師。先後百有  
餘日。兵皆宿飽。人無怨言。止費賞功銀二千兩云。

夷酋毛乞巖要賞不遂。聚衆內犯。叅將張承憲冒險輕  
進。乘勢窮追。隨入伏中死之。毛乞巖黃台吉之頭目  
也。滴水崖去鎮城寫遠。一時救援不及。故有此敗。然殺  
傷相當。而失一裨將。損國威啓戎心。非細故矣。竊思夷

國曆五年  
三月尚任  
司業今加  
管保阿達  
花酒備

時忠賢行  
過國城  
稱其招集

詔免行刑以殿工告成也上加恩首輔黃立極少保兼  
太子太保改戶部尚書進武英殿廕子錦衣衛指揮同  
知施鳳來張瑞國李國楷各太子太保進文淵閣廕子  
錦衣衛指揮僉事舊輔魏廣微顧秉謙各加太保各廕  
子尚寶司丞○遼東巡撫袁崇煥奏言天厭奴惡已于  
七月二十四日背發癰疽已死屍暴露三日每牛鹿輸  
金十兩打金棺乘之今于瀋陽東門城西起造墳墓用  
金尾金柱各將帽頂紅纓俱去四王子與大王子爭奴  
位四王子亦背發癰疽云○晉肅寧伯魏良卿為肅  
寧侯鎮守內臣劉應坤等各座弟姪錦衣加升二級有



紅民安撫  
屯種漸伏  
其土故也

得仁祠

平甸哈

差○王之臣袁崇煥會議總兵滿桂掛征虜將軍印鎮  
守山海扎關門兼管四路

十月孝陵衛指揮李三才請建厭辰祠宇賜名濟仁著  
南京孝陵守備掌印二監臣享祀春秋永虞看視

黔兵攻勻哈長田一帶諸苗破擺沙蜂塘等三十餘寨  
又破江時戶西高平養古數十餘寨斬級一千二百有  
奇黔中四面苗仲而最狡悍者無如勻哈卽二十年來  
凡經勦創而旋叛族橫查先勦千萬曆三十三年再勦  
于四十四年不下七八年而後肆且後之勦也借兵于  
石砫水西等司安邦彥親領兵曾失利故與謀叛之始

入臣無上  
何以公

酋入寇。利在搶掠。彼容我。王形勢甚明。堅壁清野。擊其情歸可也。不則張聲勢。相機截堵耳。何以輕敵玩寇。死不旋踵耶。○以皇極殿工成。晉東厥內監魏良卿進。寧國公。公加恩三等。原封太子太保。肅寧侯。魏良卿進。寧國公。賜錢券世襲。

高汝柱曰。從古大奸大逆。即伏于小忠小信。以售欺人。王不察其貫。天達地之惡。至于罪狀已昭。即欲不割愛。而不可得。王甫侯覽李輔國。魚朝恩。程元振。仇士良。我朝曹吉祥。汪直。劉瑾。無一不誅。且我不忍割愛。必有代爲人王。割愛者漢之張讓。趙忠。靈帝主以父母稱之。唐之田令孜。僖宗以所父稱之矣。我朝王振。英廟亦嘗寵之。羣臣上矣。然而讓忠見殺于表紹。令孜見殺于王。建王振見殺于北虜。曾無一人老死。歸下。以富貴終。迨森疽既潰。犬命隨之。我朝二正之季。其危也殆甚。天祐國祚。不至爲漢唐續。皇明法傳錄。三朝卷十六。哲皇帝。四。

耳。詔曰。愛子多病。傷于飽也。寵臣多誅。傷于驕也。天啓朝。素稱親忠賢。小忠小信。尚授以太阿。忠賢肆其大奸。大逆。亦明以太阿爲已。操。官。關。受。其。傷。殘。緒。紳。被。其。屠。戮。懷。死。忠。良。交。結。奸。諛。竊。盜。府。庫。凡。危。大。聲。我。聖。天。子。一。出。題。柄。獨。持。初。逐。之。孝。良。繼。沒。其。家。產。終。自。縊。死。阜。城。起。屍。裹。首。誰。謂。此。輩。之。可。以。富。貴。終。也。何。以。上。公。爲。哉。

戶部主事徐文鳳奏其父貴州安順府推官徐朝綱死安邦彥之難且合門盡爲殉節上嘉其忠下部酌議

擬照張振德例攸卹從之○差工部主事呂下問追解

吳養春黃山木植之賍欲在萬山中條選每年不過四

萬有奇尚苦拖欠一旦以百萬爲言刻期追取雖朝夕

敵比必不能應于是小民愈驚岌岌思亂而下問且帶

飲底萬山  
之中山  
田少民開  
生齒雖增  
然皆求什  
一十四方

之外名爲  
富庶然矣  
堪百萬之  
遺取也  
不春昔年  
以資雄兩  
淮添父瓜  
分五子業  
已耗其半  
矣聞就迫  
稍構數萬  
金隨三注  
民至四小  
耕家張延  
劉秋興以  
是爲糧食  
之膏不意  
實難而命  
外亡人下  
則家種天

家眷三十餘口沿途驛騷。至以變產者買木搜逼邑殷  
寔之戶而刑毒之。且三十萬外更增二萬餘兩民力愈  
不能堪。縣官以情訴動以題參爲名。請厥衛內臣以迫  
百姓一聞厥衛二字。魂搖莫措。且縱放白役逼辱嫠婦。  
而衆怒一逞。羣起鼓噪。下問僅挈僕妾而遁。焚棄勅書。  
亦不之顧。有司極力往收。始稍輯寧。○加吏部尚書侍  
郎周應秋等十八人官保。進秩銀幣有差。內馮加會崔  
呈秀。廕子錦衣衛指揮世襲郭允厚。薛屬翔。廕子入監。  
徐大化孫庶升工部尚書。科道郭興言等。加銜賜銀幣。  
各有差。○加恩張惟賢等七人。傳應星。加太子太保李

承錦加太子太傅、魏士望等十四人升都督、參政、各銀幣有差

三殿基址三十餘年，四面空垣，鞠為茂草，嘉廟以神齡踐祚，五年二月廿二興工，今九月十三告成，此惟聖上功昭宗社，諸監有何神術而濫膺若此也

妖民安養性，捏造妖書，王之柱等並作傳頭，妄稱彌勒

佛下世，煽惑人民，願天府劉詔上其事，定罪梟斬，從之

○順天府丞劉志選奏：皇親張國紀謀官婢，韋氏作妾

佔樂戶住房以居，選除而納賄行求，竊獄而驟稱懿旨

甚且睚眦之夫，不過語言爭差，而立斃于拳歐，雖云奸

惡，徐自強等而寔因國紀，狠貪酷噬，自取株連，但外家

先帝葬所  
在官原係  
順慶縣知  
之罷止出  
逆端妖婦  
去重為奸  
臣而嫌孽  
中官志選  
據其意述  
初國紀在  
外生事思

中傷失  
志選入  
當月已  
重處之  
劉臣李  
稽日君  
與后從  
之與母  
安有佐  
以諸母  
况原無  
際之父  
乎同紀  
得從輕  
結

慎輯則國母之壺德基光威曉講張卽聖主之攸  
亦過甚至訓及于丹山之穴藍田之種者此又臣之所  
不敢輕言者也上曰張國紀洗心滌慮以就令國紀  
朕敦睦至意勿得執迷不悛自取罪責

忠賢申同客氏殺光廟選侍趙華嘉廟成妃李封號  
殺裕妃張貴人馮等又逐劉克敬于鳳陽以逼中官  
張益克敬者原選中官者也中官精明嚴敬二監  
之諛言中官非國紀女出辟犯孫二是以志選梁  
環達其欲連甄論劾國紀後逐國紀回籍不得留京  
師今觀其疏訓及于丹山藍田等語挑構心腹即大逆  
不足以及之也又聞中官業已有身客氏盡逐原官  
人之異已者另布腹心官人以侍偶腰夾侍者扶養  
無狀虹電之祥預焉至今談者色變出妖嬈傳

勅賜魏忠賢庄田一千頃外再一千頃寧國公祿米

魏國公例支歲五千以示酬養。○順天府房山孫民陳槐子陳秉坤奏言孝和皇太后生父陳槐母劉氏福遭廚役王昇通結王安障天蔽日以致太后抱鬱升還嗣後父槐叩閣伸冤隨蒙科院審明王昇口外爲民王國興坐辟第嫡派尙未加恩臣兄命斃沉淪乞聖明昭察上以妄認責之發房山縣重責監候。○升毛堪光祿寺正卿馮三元左副都御史邵甫忠兵部尙書。○削周用賓彭汝楠王慶尹王業浩籍。○蘇杭織造李寶奏魏厥臣祠宇已建准授杭州衛百戶沈尙文等永守祠堂世爲祝厘崇報事下部允之。

杭州生祠之建擇地于西湖之勝夫關真若岳武穆而居其中焉精神子衿微有反唇者守祠之輩每奉赤提相欺甚有非守祠而盟奸以張威非反唇而但擊以蒙辱者如江西提學黃汝享以便服遊觀竟以挺加吞聲而回卒至墮命此祠李定爲之崇而機戶沈尚文等成之共費七千二百餘兩後拆毀除牌坊解亭移橋外估價三千八百兩俱着衆机戶分派承買不以累民此亦地方官愛民之一員法也

### 命錦衣衛追薊州道胡士容下于獄

士容原任薊州料理一切兵馬督師諸臣共薦其賢勞以資往薊州不善逢迎以崔呈秀之倚勢于瑞也允官薊者必出其意所欲用之人以爲爪牙乃爲其妾弟安璵蓋惟中等爲守備私入鄭冲宇等爲中軍不但不用而且置之于法占草場田連萬頃則及及其差役欲建祠于薊州士容又勿聽遂激忠賢之怒進量移江西憲副行潞河瑯嶷人誣其驕橫騷逼矯旨追之發鎮撫司許顯純嚴刑拷訊備諸苦毒死而更者再嚴鍊附食

新主案思得釋云



降工部員外劉麟長爲潮州府推官時大工煩興錢糧出入璫黨之手莫敢過而同爲麟長以該部職掌查核力爭裁減起運于街石之費忤璫意矯旨降之

後因其起補潮州私憾未什遂解李馬夫職掌應言節省何罪而遭此究抑哉

上諭督臣王之臣加銜回部以備帷幄籌策督臣關鳴太仍駐節鎮以爲關門應策撫臣袁崇煥內鎮臣紀用俱着便宜行事并道臣畢自庸總兵趙率教俱在寧遠駐劄至關門兵馬俱聽袁崇煥調度內鎮臣制應坤着便宜行事并道臣王應合力克復全遼○大理寺評事許志吉奏請差官嚴追吳養春賍○升劉廷元爲南兵

徽州善地  
太守尊官  
且新任也  
一旦驟然  
而去夫亦  
見時勢之  
不可為平

部尚書田吉為太常寺卿仍管職方司郎中事○詔撫  
按提問何士晉程註追贓削科臣沈維炳籍○徽州府  
知府石萬程棄官回籍先是萬程因黃山一事知其追  
贓開採諸務為于冤枉因而告病隨削髮披緇而去○  
削吏部員外蘇繼歐官旋自投環卒

科臣楊所脩條陳銓政時李夔龍掌選乃疑蘇繼歐  
預聞遂獻呈秀構于忠賢即于繼歐轉司孫中削棄  
且夔龍楊言曰蘇氏家產籍沒可助大工于是蘇自  
縊而死因而魚肉其孤兒寡婦舉朝正人皆為痛心  
孝陵山海脩理工程告竣○其鎮奏捷屢加恩魏忠賢  
三等世襲羊酒銀幣并賜勅獎勵司禮監王體乾亦如  
之○遣內使鎮守宣大山西地方命給發應用錢糧勅

書關防符驗○禮部擇本月初八日今上行冠禮丁卯二月初三日行親迎禮從之加闕鳴泰太子太保兵部尚書兼副都御史照舊總督升馮三元右副都御史協理院事加總督黃運太戶部尚書照舊遼東督餉陳九疇爲刑部尚書邵輔忠兵部尚書霍維華兵部添設侍郎范濟世南京戶部尚書永年伯王明輔母李氏卒命給墳價遣官加祭

李氏孝端皇后之母上篤念祖妣恩撫先皇故破格加其祭葬

命戶部尚書郭允原賑濟畿內饑民五城均卹務令沾足不得遺漏失所○藩邸告成擇丁卯三月十一等日

此亦魏晉  
體也

請惠王瑞王桂王之國。○張鶴鳴仍以太子太保改兵部尚書兼右都御史總督雲貴川湖廣西兼督糧儲巡撫湖廣南北川東偏沅等處。○遼東巡撫袁崇煥奏喇嘛僧往奴偵諭。時鎮守內官紀用東巡回至寧遠要東偵奴死虛實及宣諭奴于向化遣僧喇嘛等備綾絹布疋同守備傅以昭田成等往遼只說與老汗燒紙是以夷人報四王子差人來接過遼陽沙河堤以酒饌相待自是北去夷人因講相見之禮就平行禮四王子并各王子平交拏手禮畢對坐見佟養性劉愛塔等漢官十四五員俱在因出紬綾白布作老酋帛祭禮禮畢作

賜聖恩賢  
之孫時神  
十齡

此亦諸賢  
之一厄運  
也幸轉否  
為泰之速  
耳

皇明洪武御製卷十六

卷十六

辭商差官方金明溫台什二人領小夷七人送僧回水  
回撫院郭鼠舍利孫玄孤等皮人參銀鑄馬鞍巡撫奏  
聞于朝云○魏鵬翌座襲錦衣衛世襲指揮僉事

親忠賢之稱事也其推折朝臣繫為削奪始于一  
啓元年八月滿朝為始二年解經邦繼之四年陳于  
庭繼之殆至五年而繼恣不可勝言矣五年內削奪  
尚書周加謨崔景榮余懋衡周希聖李騰芳孫慎行  
朱先祚侍郎張傳張鳳翔孫居相岳元聲郝名寬朱  
世守南居益都御史曹于汴喻安性程正巳畢懋康  
楊鶴劉可法通政涂一榛王應震劉宗周卿寺曹珍  
易應昌吳之驥寺丞蕭毅中楊一鵬翰林葉燦侯恪  
陳子壯姚希孟府尹談自肖太僕等卿莊欽隣  
姜志禮韓策陸完學劉惟忠馬孟懷倪應春羅汝元  
歐陽調律汪先岸錢春王國瑚盛世承彭遵古傅宗  
臬陳所聞六年削奪閣臣劉一燝韓爌馮銓尚書李  
思誠趙南星左都御史高板龍侍郎沈演都御史郭  
尙賓通政倪斯輝韓國藩寺丞姜習禮彭惟城翰林

方遂年，顧錫壽、太僕卿寺等曾汝召，張除孫之，  
喬迂，史彌孫如珂，須之彥，司丞吳殿邦，七年削奪，  
寺，陳叢微，倫肇脩，彭鯤化，占事，曾楚，鄭翰，林鄭，鄭，張  
摸，王一中，王伉，此特什之二三耳，其他不可勝紀也。

丁卯天啓七年正月朔，上御新殿，百官朝賀，山東叅

政分守東兗道曹文衡計擒賊首鄭江、鄭海等，東省以

寧、鄭江、鄭海流賊之雄也，四方亡命多歸之，雖托巢開

州而其出沒爲害則東省受之，文衡遣兗州營叅將陳

思明等勦獲孫東溪等于程家庄，再獲馬見等，并鄭江

鄭海于白積集，山東一路大盜遂平。○南京太監創魏

忠賢生祠，額名崇勲。戊王之窠。○鳳陽府戶軍民李

光建忠賢祠，祠名懷德。○詔削禮部尙書李思誠吏

里秀之時  
納也善于  
國取其欺  
露也善于  
脫動其所  
謂有之矣  
於而極能  
一者七

主事于志舒懷來兵備丘志充籍命錦衣衛追志充  
來京同上林院監署丞主家棟究問追贓王家棟以太  
醫醫士濫授署丞時出入于崔呈秀之門時戶部主事  
于志舒欲轉吏部乃托家棟營求于崔謝禮三千兩呈  
秀薦于吏部志舒已升轉而懷來兵備丘志充亦與棟  
有交亦輦載元寶三千兩與棟謀升太僕寺卿棟暮夜  
携賂呈秀而適遇版中旂尉檢之棟窘甚因同往崔呈  
秀家叩門求解時呈秀與禮部尚書李思誠接壤而居  
即往忠賢處管解曰此銀係某送禮部尚書李思誠者  
忠賢遂疏發其事而思誠寔不知也因奉青削等四

家棟于獄并逮丘志充

命司禮監涂文甫總督太倉節慎二庫原任司禮監崔文昇李明道總督漕運疏通河道查核京通等倉時奏報天倉節慎及京通漕運糧儲之疏開列有名節首無實且李柱明盜買官糧丘志充賄行軍餉河南解到折色銀兩被歇家假造實收通關竟不入庫又如官庫主筆何其義將老庫銀不行交盤私相埋沒京通等倉糧米官吏串通運官揀和沙秕倍加水潤經管官員巧立飭米等項名色私自盜賣特遣文甫等于出納之際各色冊籍細查徹底澄清給勅諭關防特重其責戒焉



高汝栻曰國家財用空虛皇上垂情軫念欲核稽實數杜塞弊端甚盛心也第財用盈縮惟關出入兩途使人無旁鑄出無漏卮何患無財廷吏以官爲壑宮與吏爲市若食件之過員途之承以未嘗入爲入以未嘗出爲出乾沒百端真可窮詰致屢聖慮而托重刑餘則凡類肩丈夫高爵厚祿者何爲不思國家以經賦之權異士大夫不能矢心持籌策身管職徒來聖上之疑亦安取若人爲哉

刑部擬孫文矛願同寅捏造妖言誹謗朝政律斬因削翰林院陳仁錫文震孟鄭鄮籍爲民文矛者陳仁錫之表舅嘗作策論以朝時忠賢知之故誣文矛捏造妖言竟置重辟問其妖言者何乃韓文公原通篇欽天監步天歌而已無証無証陡然梟斬又杖斃其四友不過因其與仁錫往來耳先是仁錫在講筵因壬申微于王恭

代事至此  
始定代王  
可謂操心  
危慮患深  
矣

厥又見正八眉戮忠賢竭土木不休，兢兢立于側，諱時不避諱，忌忠賢怒，既而詬諆，終以不撰寧國勅，遂恨刺骨，命許顗純撰獄詞，成一月，仁錫等猶在長安，不知及至歲將除，仁錫時吉服封館，閣中喧甚，俄傳削奪，忽報四隣玉赤捧，大聲矯傳吏部除名，永不叙用，其追奪機文前列貴官，後頌厥臣獄詞，則首指仁錫，與文震孟、鄭鄮同縣同年，日夜思圖翻局，誓爲謀主等語，仁錫因削職追奪，誥命。○上以代藩北控邊鄙，南輔畿甸，冊封世子，昇渭襲封爲代王，郭氏乃封爲代王妃焉。○奸賊李鳳吳忠、張成、擄盜天壇神器，祖制禁物，族放火焚門兼

圖城跡事聞下鎮撫司重究○刑部擬原任巡撫李若  
星遣戍中旨命該撫按加責一百板發遣○二月初二  
信王出府成婚文武百官赴府行禮○戶上二部創立  
陵工新例納貢者得選府判運官首領佐領納銀得封  
其父母妻子

高汝斌曰國之貢土即周官鄉采里選遺意也其人  
枯骨三冬寒窓五夜嘔心鏤骨需之數十年或未  
得而以納銀得之則辱士類也近來兩次恩選  
雲集銓曹疏濬甚難則壅選法也府判列在郡守之  
下位居邑令之上秩固甚崇令無籍市民多金邑  
朝輸白銀夕納青綾與二千石比肩有非類之辱  
科貢折腰切銅臭之耻沐猴而冠牛驥同皂休  
統安在名寔亦乖運判者為國家急軍需清  
鹽政議者方有改用甲科之說而貲郎以數百  
金攫得如置肉餓虎蹊蹶猛弱積穢之地需而  
溺焉何惜之有至後封

一事尤為悖謬。朝廷恩典原以昭激勵。及父母迫妻室最為宏鉅。雖縣令之賢。元撫按正莠。未可妄邀。如行人違考滿止。可單封。此輩納銀。即有封贈。是與所之流可裝衣冠也。竟同市販。貽譏青衿。所損豈淺淺哉。此崔呈秀在本兵之日。創開此例。

### 四月遣三王之國

高汝拭曰。魏忠賢之惡。不但殺戮名賢。驅錫士類。卽如三王就國時儀未備也。工程未已也。地糧未定也。急急促之行。此是何意。儻再遲歲月。復以出三藩者出我。皇上矣。一旦先帝上賓。將不知見誰氏之孺子。以行呂孺王莽之詐。呈秀握中樞。各監掌邊兵。諸孽居世爵。誰敢有議事。開吳幸社稷有靈。先帝彌留之際。忽出內旨。召兵部崔家欲行篡逆。而呈秀以一二巡撫尚非腹心。其國尚掌國督為諷。故中止。倘至十月。巡撫盡易。而以魏良卿代英國。天下事不可知矣。然呈秀謹識小人。無甚大智。每日擁羣嫗。呼爐蹴踖。為歡。又何能為。惟是二三奸佞。日與鋪謀定計。細探密造。以惑忠之造孽種種。是可恨也。

水西殺差官糾兵出犯四川巡撫疏其事。上命守臣整兵固守務保無虞。

時叅將楊明輝奉差宣諭安位及目把擒獻首惡備從盡行赦宥而安邦彥遂殺明輝等

命代世子昂渭襲封爲代王祿米照親王例支給。

贈貴州巡撫蔡復一兵部尚書廕一子入監讀書以其忠勤清苦以身殉官也。

刑部擬王贊化抄寫妖書踪跡詭秘發邊遠充軍。上從之。

贊化爲御史汪若極所糾獲其妖書欽取進聞因發刑部定罪

寧夏巡撫史永安疏奏賣火諸酋兩次入犯宜加整兵。

搗巢以伸國威。上是之。

三月桂惠二府各疏言時難民匱當加意約束導節上賢之。○大和山玉虛宮火。○直隸巡按梁夢環劾張國紀怙恃國恩累于三尺。上嚴旨詰責命其回籍痛改舊愆。○麗人導奴入境東襲毛文龍以計脫麗人不支折而人奴奴勢益張事聞上命毛師相機應援并命登撫暫那青登萊三府倉儲接濟勵戎士以壯軍聲。○瑞王之國請面辭升殿。上以叔姪行禮未安免。○三王復念驛遞疲苦辭免欽。上允之以成至誼。○脩築董家口董家口爲羣虜什奴之所冲要不戒喜

夏島已集  
中州仁獸  
擬見東上  
何王者之  
瑞麟見益  
出通尔

峰守臣請脩繕甃固前發班兵益以主兵發額餉以備  
行糧得旨俞○山東巡撫李精白奏青州西王疇牛產  
麒麟巡撫李精白繪圖以進上嘉悅牛產犢一隻碧  
皮朱唇遍身麟甲產時燁然有光母牛驚跳吼叫其犢  
不踰時而死○升劉志選操江右僉都御史呂圖南通  
政使○奴犯解告急請移師遼東巡撫袁崇煥因發水  
營都司徐勇兵先出張斌等繼之汪翥後勁各舟二十  
隻兵士五百人救之○迨寧池道副使王公弼奏寧侯  
陳良弼恭順侯吳汝胤下鎮撫司獄時奸商牽扯已故  
葛煥事詞連太寧恭順二侯太寧侯追庄一千一百兩

其致思殆  
快而端後  
與指文昇  
類比

恭順侯、追庄五百兩、萬燦追家屬三百兩。○遼東巡撫  
袁崇煥奏東奴恭順求款之似真。上命從容請拆移  
宜妥當題請時夷使溫台什過河、叩見太監紀用、同部  
院袁崇煥于文廟有方金納與溫台什進見、叩頭懇款  
跪投奴于來文其封袋、面改去大金國、皇帝字、上寫  
汗放書與袁老大人封袋後去舊寫天聰年號止書年  
月夷習刀不離身進見時把門者令其解去大拂其性  
崇煥止之令各佩刀入私署賞之酒食復開論皇上  
之威靈天之不假易且今盡出喜峰山海前屯寧遠等  
處待汝且要過可諸夷叩首僞服因請一人同彼夷行



憲臣致先  
有愧前長  
以民版官  
事于十縣  
忠賢痛錄  
初亦不敢  
死忠臣性  
忠之徒誠  
然而稱功  
顯德首先  
此皆是一

崇煥許之方金納勘酒一杯跪進崇煥溫台什等漸次  
而進九夷俗不輸款不詭送酒因遣人即與同行○三  
月封派房等礦洞登城侯李承植奏宜開採上曰久  
已封禁如何輒議以驚擾地方○陝西澄城縣民刺死  
知縣張斗耀事聞上命嚴擒首惡以懲之斗耀因此  
徵錢糧急遽百姓鼓噪登時刺死○建懷仁崇仁崇功  
彰德顯得等祠時永恩祠建各相效九恐貽後至之罰  
于是漕運李監建懷仁于通州西關外勸遼總督問鳴  
太建崇仁彰德于通昌二州主事何宗聖建顯德于長  
溝而順撫則詔巡案倪文煥建崇功于密雲各曲獻媚

時阿沙謀  
臣視漢末  
四十八萬  
七千五百  
七十二人  
之頌者  
何異哉非  
天間聖人  
為社稷生  
民之至不  
知作何景  
象矣○古  
今陶福多  
矣主舉一  
時精神建  
祠祝釐以  
文之浸浸  
且君之則  
開闢以來  
所未有矣

務窮工作之巧甚至獲民曰墓伐人樹木無敢發聲其  
上食饗祀一如王公祠中小像不但求其肖像以沉木  
為質眼耳口鼻手足宛轉一如生人腹中肺腸皆以金  
玉珠寶為之衣服鮮麗又不必言矣獨髻上穴空其一  
以簪四時香花更為奇絕一處逆像頭稍大小豎上冠  
不能容匠人恐急削而小之以稱冠焉小豎抱頭慟哭  
痛責匠人○夷酋擦漢兒欲犯邊各酋報警插漢兒者  
即虎鬼愁屬在把漢哈喇慎營內哈喇慎死老酋滿五  
素與插漢老王子為義兒分管人馬後滿五素帶領原  
办部落仍歸本酋父世把都兒下插漢兒帶領人馬講

長庚詩曰  
謂者有見

隔府腔郎

君有何夫

人行奇事

前語絕倒

干古

討又云要犯獨石一帶邊吏恐其聲東擊西馳報內地  
宜嚴設備以待之

陳仁錫曰首論曰習令色令被擄擒歸所以東西所  
哨兵馬并澧州灘大小板升獻于擄板升華人焉  
靖中叛逆趙全等為亂導集被虜萬人于澧州灘東  
西一帶立為板升系種飲食悉如中國所未及者胡  
服耳目僂達欽後僂達義子恰台吉所統苗子生六  
十年今有眾十萬而板升富強甚習內地擄以為穴  
擄故元裔夷使領賞賣馬必由兩哨遠在東偏積聚  
百年素囊物故小失兔勿且弱居何奎擄塞于七年  
內傾巢而來陰謀奴路陽托報仇殺哈喇兔真抵殺  
胡堡克歸化城奪銀佛等收習令色令而追小失兔  
妻其妻率其軍與習令等歸化城以合把氣棘嘛  
守之東行降兀慎攬膜明春等苗札營獨石邊外舊  
開平所要索賞不經崇禎元年春殺那木兒台吉姑  
示羈縻勿絕而已茲蓋蠢矣邊吏自冬及夏悉置度  
外不偵不禦五月十一宰生貴英伶等于新平堡初  
因索賞辱我將官借端犯順從鎮川紅陽縣抵大

城下。城內馬兵不滿二千。步兵三五千。竟以喇嘛止戰。不傳烽火。村屯無收斂。非代府裕紳協守。恐令擒象。奸細爰爰乎。彼且十萬。越前門而不知。殘我屬夷。而罔恤招之使來。而戒勿砲擊。重城之內。不滿萬兵。大已。可念已。

四月虜犯甘肅大破之。奏捷者秋虜酋二兒台吉入犯。爲鎮兵所斃。及報仇。又被創。懷恨已久。于是套酋土壘火力赤等。矮木素等。喇嘛等。酋糾約搶犯。傳警甚急。撫臣王象乾會同總鎮設伏夾攻。大挫虜鋒。斬獲頗衆。虜遂引去。○上命督撫諸臣。脩理薊鎮三協邊城。自火焰山至今河口。芥石塘等口。台務固完。以障保外藩。○叙滇捷。○四月兵部增定大師。以杜文煥駐寧遠。尤世祿

崇禎元年  
 戶科黃疏  
 奏思誠以  
 同府之姻  
 緣銜當先  
 之使倭生  
 祠之立皆  
 首倡錄金  
 以建之者  
 也  
 建篇頌德  
 匪地生祠  
 吳夫頌德  
 不已必將  
 勸建生祠  
 不已必將

駐錦州侯世祿駐前屯左輔駐大凌河蒲桂照舊駐札  
 關門節制四鎮及燕建四路仍賜劍以重事權 上允  
 之○山西巡撫曹思誠請建祠于五臺山賜額名日報  
 功李太監建祠曰茂德廣吉士李建祠曰建德松江里  
 老請建祠曰德馨其他又有曰元功曰昭德不一而足  
 郭尚友建戴德祠于河南通政司經歷孫如例建茂勲  
 祠于順天府朱童蒙建祝恩祠于延綏湖廣守備李監  
 建鴻惠祠漕運內監崔文昇建睦德祠薊遼總督閻鳴  
 太建旌功祠山東巡撫李精白建隆禧祠巡撫姚宗文  
 建隆仁祠于湖廣崔文昇又建表勛祠巡按許其孝建

萬呼乃北  
言曰無可  
奈何不得  
不然便是  
心也安所  
不三戰  
明也秦建  
翻六七處  
其發云袖  
天浴日之  
功即通候  
乏罷未足  
耐夫通侯  
不足耐必  
九五之尊  
而後可耐  
耶何無人  
臣礼如此

賜思祠于淮揚○上命蒯濂總督開鳴太分總兵孫  
壽移鎮山海滿桂移鎮前屯趙率教左輔紀用領兵鎮  
守錦州袁崇煥先住錦州今移寧遠黑雲龍移往一片  
石以防奴兵

奴之犯江東也不數日而尅艾州宜州擒鉄山郭山  
攻雲從不下又東尅安州又攻直定王州然而大敗  
不利心折氣奪因而攻錦州又開將精兵戰于俱  
穿西虜衣帽裝做西虜此其計之狡而愚者也

升張延登右副都御史巡撫浙江○升李夔龍左僉都  
御史協理堂事○升張曉兵部尙書兼都御史總督宣  
大山西○升田生芝南通政使

五月復遣大理寺丞許志吉伏呂下問至徽州進吳養

春之賊下問既已激變致逃而許志吉復以上官自豪  
孤買木價增減不均其子鶴鳴鶴阜僕子林子章等納  
賄作奸動輒曰魏上公有長隨許孫二都督有催扎以  
恐嚇百姓百姓一聞鎮撫姓名慮爲再設之弊驚竄莫  
歸然其所迫之賊先令次子與豪僕攜帶先逃斯時百  
姓愁怨幾釀不測若非該縣倪元珙委曲調停保此黔  
黎則微之爲微未可知也

山場逼近 皇陵火火延燒四十餘里又彼賊偷所樹  
木 上命嚴捕

五月毛酋乞盟宜邊駐虜屢犯疆我兵創之夜自認

奴兵既東  
成後西犯  
中必虛矣  
毛文龍素  
稱運制何  
不予此時  
布置外援  
內搗賊可  
報朝廷之  
德也

願受戎索。○榆關傳警，奴兵渡河，欲直闖山海。上命鎮撫道將整兵馬嚴偵探，高台堡以防之。○奴酋提兵十萬入犯錦州，平遼總兵趙率教禦之，以捷聞。時奴薄城下，差使二人呼我軍講話。趙總兵差軍二人從城上繫下，及至營中，王子盛氣弩目曰：「此係我們的地方，你們為何在這裡脩城？我們來負，若錦州人出來降了，便罷。如不降，我們便要攻城。」差兵曰：「地方是我們天朝的你為何帶了人馬來？既有這話，我還與你們二人同到城下，對我總兵爺辭首。」因遣二夷到城下，見總兵。總兵曰：「你要攻城，我這裡不怕。此五月十一日也，至十二日。」



韃子四面扎營、分兵兩路、抬拽車梯、挨牌馬步、輪番交  
攻西北二面、率教及左輔宋梅力督將領炮火矢石、攻  
打如兩、打死夷賊屍塞滿地、至暮、奴兵拖擡死屍焚毀、  
退兵五里、西南下營、次日兵馬沿城遊走、尚未撤兵、還  
西虜聞、東酋入犯、領部眾報效、因遣夷使貴英索賞許  
之、

詔錦州等處所入秋禾、欽運○入城時、  
賊將入軍、遠恐敵因糧于我、故命收割、

勦廣西漂州鴉山賊、胡扶紀等平之、扶紀負固、有年、屢  
撫屢畔、茲撫臣王尊德、與道臣潘應龍等、合兵攻勦、竟  
蕩平、○山海總兵滿桂、發兵應援錦州、路遇欄阻、我兵

與戰裡外夾攻賊死傷者甚衆因而東奔大挫其鋒。錦  
州遂解。○謫毛士龍。孫懷行戍。○監生陸萬齡請利太  
監魏忠賢于國學之傍許之。

六月奴酋攻寧遠。總兵滿桂等大戰敗走之。奴不得志  
于錦州因而攻寧遠。叅將彭繼古三次用紅夷大砲擊  
碎奴營大帳房一座。四王子僞白龍旂奴兵死者甚衆。  
長子召力兔礮勒中箭穿胸而死。次子滿漢寧谷礮勒  
又仆在陣射死。孤山四人牛鹿三十餘人。伯彥縫子陣亡  
無數。○奴復引兵赴寧遠。於初三日夜上寫欺上逆語  
箭上射之入城。我軍亦寫回諭射入賊營。是晚賊往來

此戰之功  
不得不提  
滿趙二帥

不絕我兵連戰數十陣連發火炮彈矢石賊屍積如山  
四王子在教場下黃帳房穿黃衣力催攻城賊死更倍  
至暮賊方撤兵敗歸放聲大哭其時天墜星如斗其落  
地如天崩之狀衆賊驚恐終夜至五鼓撤兵東行尙在  
小凌河札營留精兵殿後

按十年來盡天下之兵未嘗敢與奴戰合馬交鋒前  
崇煥去年寧遠亦從上而攻城下今乃一刀一鎗拚  
命殺賊不知有夷之兇狠悍悍總兵憑渠大呼分路  
進追諸軍忿恨此賊一戰挫之則滿桂之力爲多焉  
海寇鄭芝龍等犯閩中銅山中左等處與泉道邵良知  
遣人往諭因撫之鄭芝龍者泉州府南安縣石井巡司  
人也先年下洋入海莫顏振泉夥中乙丑年顏死芝龍

遂領其衆撫臣朱欽相招撫海寇楊六楊策黃贊卿等  
芝龍原托楊祿祿賺其銀自是兩相角然沿海水寨視  
爲泛常不意丁卯春據閩廣截新粟閩中薦饑盼望海  
米不至于是欲米者往投之七月間又劫商夷船勢浸  
大其營黨謀攻廣東海豐嶺頭村以爲穴芝龍乃入閩  
泊于漳浦之白鎮是爲六年十二月也撫臣朱一馮卽  
遣都司洪先春領兵與戰而以把總許心素陳文廉等  
策應鏖戰一日勝負未分不意夜來潮生心素文廉船  
乘潮他往賊暗渡上山詐爲鄉兵先春腹背受敵身被  
數刀僅未至死芝龍此際大有求撫之意微達于我兵

乃舍洪都司不追獲。藍尤吉不殺。又自舊鎮進至中左。所督帥俞咨臯戰敗。縱其遁。中左人開城門求不殺芝。龍又約束衆賊。不許入擾。及倣報到泉州。知府王猷知其詳。迺曰。芝龍之勢如此。乃不追不殺。不焚。似有歸罪之萌。今勦既難舉。撫亦可施。不若遣人往諭。退舟海外。仍許立功贖罪。有功之日。題予賤銜。具稟興泉道鄧良知從之。因差人往諭。芝龍卽于次年正月率衆就撫。○十四日。上遊清福殿。時虜報一日三至。云韃子過錦州。卽刻徑來山海。上遂回宮。○以劉詔爲薊遼爲總督。

劉詔。景卿。日方忠賢。閔達。詔以巡撫。大朝騎馬而見其後。衆莫不掩口而笑。丁卯八月二十六日。聞先帝在。

彌留之際，徵兵遣化教場，撥置三千人馬，盡皆私人。  
器械亦忠賢所賜，以肅惟中領，磨恨家丁，直接于樞。  
汲汲乎奪昏庸而代之，明乎時哉，不可失之。  
義也。向使內應之謀決，遂與忠賢同享富貴矣。

上不豫，命魏良卿代行孟秋享廟禮。

○宣延鎮之捷，套虜入犯，斬首二百五十，至是祭告宣  
布。○七月，太監楊朝奏禦虜火器，亟需鉛子、一片石、西  
昇、忽生鉛鑊，可資火器。皇上有滅虜吞胡之志，故山  
岳效靈。上命會官開採，嚴杜軍民侵盜，安爐煉法，一  
如其議。○崔文昇劾崇仁縣知縣崔世石主簿湯日顯、  
沐陽知縣何大進，上命削籍爲民。○護送桂王、太監王  
敏政、劾銅陵知縣劉涵清、王舟所過，忽遇風雨，不躬趨。

以本監王  
彈劾有司  
祖宗朝所  
希有

竟有縣官  
衛役敢殿  
親王之差  
後者

迎接以護之、又夫役不備、膳羞失供、及至催取、又率衛役毒肆歐、上命削籍爲民、○三王之國事後

○錦州報捷、加恩太監魏忠賢三等、廕弟姪一人、錦衣衛指揮使世襲銀幣羊酒、賜勅以示優異、其下王體乾等三十八人、銀幣恩廕各有差、旣而寧遠報三捷、詔以廠臣安撫殊勲、被于天下、封魏安平伯、仍賜給庄田七百頃、以資養贍、○起總兵侯世祿鎮守塔山要地、其子侯拱極、加尤擊職銜、爲本鎮先鋒、著其父子協力共保危疆、以付委任、○東夷獻俘、宜捷告祭、上以病故、不御門、其俘酋押赴市曹正法、○遼東巡撫袁崇煥請告

回籍加王之臣太子太保兵部尙書督師遼東駐札寧  
遠賜上方太師以下聽其節制崇煥先有講款一議未  
凡奴有事江東又西犯寧錦王之臣以款爲不可輕請  
慮貽封疆之憂彼此參商故罷崇煥而專任之臣

三殿工成請擇吉御殿 上方在靜攝少需擇期而行

○以田吉爲兵部侍郎霍維華總督遼遼維華因袁崇  
煥東功不叙恩蔭上踴欲以已廢移之 上曰袁崇煥  
講款一節所悞不小霍維華何得移蔭市恩以不諂事  
體責之

逆奄傳曰維華姊弟陸董臣爲午門竈以是得通于  
魏因進仙方靈露飲其法雜取粒糯諸米淘淨入水  
皇明世宗憲 三朝長子 萬曆皇帝 廿二



飯釜之饌中底安長頭大中空鑊一、米滿深漸熟  
水滿熱漸換不數換而釜中之露滿矣乃米穀之精  
按也上飲而其之以餘瀝分賜近侍服既久已嫌  
水汪汪的傳御藥房不必進反上不豫忠賢歸罪于  
此因患維華維華又復知上弥留已逼遂與賢相  
左而有讓廢之取矣其轉身求去者另自盤算一條  
樓上重來之計也

三殿告成加恩魏忠賢弟姪魏良棟封安東侯魏良卿  
加太師孫魏鵬翌平安伯晉少師其勅詞誥命極其頌  
譽自七年春以來無一事不歸功于殿臣豈但臣工  
贊美無一旨不曰一代之忠興則曰開萬年之有道不  
曰善體厥臣之勞心則曰賴厥臣之殫慮若中朝閣部  
而下無一可堪任使亦若朝廷內一刻不可無忠賢

者三爵迭頒恩綸日錫不知忠賢在內果運何符果設何計而致此天恩之隆重也異哉

以三殿告成捷音迭奏命加封奉聖夫人客氏廢其弟男指揮使世襲銀幣羊酒從優加賚客氏故定與民侯二妻年十八而進宮又二年而發生子國興太昌元年封奉聖夫人每黎明入暖閣侍上甲夜方回直房在宮先與魏朝私後又私于忠賢一夕兩逆璫于暖閣爭擁客氏醉詈而置聲達御前時上已安寢漏將丙夜俱跪御榻下聽處分上問客氏你只說真心要跟誰我替你斷客未及對上搖客意樂賢之態壯乃退朝而左

賢賢自是得專客氏而尾大不掉之患成焉

出逆祖制

于乾清宮東西各設房五所皆名封官婢所居客氏初  
住乾西二所後移咸安宮非制也凡各衙門各應奉聖  
錢糧急于供御每移居或誕日上必臨幸歡宴賚予無  
數中官于秋迫不及也或出歸私第必先期特旨傳諭  
又欽遣乾清宮牌子數十員衣緋圍玉步導與前弓箭  
等房把牌硬弓人等各衣紅蟒繡窄袖前後擁導又數  
百員燃白蠟爲燈黃璫爲亮子凡數千枝與前提燈數  
十道沉香烟霧微霏道左客氏艷粧麗容自安咸宮由  
嘉德順德門經月華門坐而過乾清出西下馬門易高

此則知  
卷之得焉  
宋足深喜

一呈秀  
賜而超  
五虎在  
十道見  
親以運  
清應肯  
氣一附  
草依本

與呼殿之聲。遠逾宸駕。燈火簇照。儼同白日。至它坐  
廳事。諸侍者以次謁見。老和太千千歲之聲。殷殷然震  
天也。先帝崩。客氏奏。今上准歸私第。夜赴先帝  
梓宮前。慟哭良久。出胎髮。瘡痂。指甲。落齒等。焚之而去。  
隨奉青籍。歿。管死院衣局。發淨樂堂焚屍。揚灰于國興  
伏誅。○以崔呈秀為兵部尚書。少傅。兼太子太傅。仍兼  
左都御史。奪情視事。

從來九河。未有兼官如呈秀者。初以御史兼工部左  
都御史。及晉司馬。尚且仍舊。既竊兵柄。復擅紀綱。威權  
重矣。奪情視事。不用墨線。紅玉帶。坐明轎。出入衙門。  
安忍無親。一至于此。善乎徐吉之疏曰。禽獸尤知有  
母。但不知有父。今母死。不奔喪。即禽獸且不如矣。秀  
入衙門。有親爹之稱。有崔二奇之喚。不父其父。而以

影射如狂  
 或謂後自  
 詩功系兩  
 尸視而後  
 秀自三上  
 古德政之  
 聖以市建  
 廟之設從  
 正海內親  
 起于兩中  
 齊聖可名  
 射則可所  
 一祠之費  
 不下萬金  
 外錄之老  
 爾係生秀  
 獨慘

開為父。亦可若矣。○後呈秀貪淫之極。始而愛金玉  
 金玉滿堂。既而愛古貨。古董尤懷。轉而索美姬。粉白  
 黛綠者不下數百人。其得寵者。計二十有八。號曰二  
 十人宿。猜不如意。輒為押還。其鈔沒家產。在京者。白  
 銀萬八千八百兩。玉犀金銀器皿。共三十四兩。約  
 三萬五千金。其汪具。淫藥淫方。無不羅列。其密及抄  
 蘇州銀七萬。十七百有奇。金三百四十三兩。  
 有奇。侍姬之珠翠。聚園之衣飾。又不可勝言也。

三殿告成。行欽恤之政。○三殿功成。加恩大僚。閭鳴太  
 黃克績等百十人。宮保科道張惟一。等俱鄉寺銜。內監

工匠武職等。加銜進級。濫制衣冠者。又幾百人。

高汝柱日。魏璫橫恣。借一題目。不論有功無功。與可  
 不可。一榮加升。如數工一役。五軍等營官。有何功勞。  
 而左副將徐鎮。抵錢中選。任中英。原任副將李國楨。  
 吳自勉。副總兵王文烈。王宗賓。管鳴珂。號頭都司。趙  
 應奎。簡承惠。安國相。楊繼文。胡應龍等。俱加升一級。  
 此何名。推而廣之。如樹封一事。京營將領等官。有

何干涉總督梁世勳代為題請兵部一舉僕執如斯  
源鄭其心馬允凡馬永貴委光先等十餘員各升都  
督同知後遂有緣此而非總兵者又何名乎腰金黃  
蓋凡滿天下何嘗有一人為朝廷山死力蓋可慨  
已至殿上錦寧皆捷時天翻地覆欲要結人心恩廢  
遂尔大濫况官生非小中書郎署出守黃堂卽制科  
起家不過如此國家安得如許爵位供此輩充斥乎  
崇禎改元諸臣曾請革汰下部議四川道梁千族漢  
中前請云先臣霍韜有言我朝自成化五年以前  
文官已逾十萬武職已逾八萬計至今又當數倍當  
此時不為亟反徒滋議論何以保國計之安乎清天  
下之冗官可省錢糧且省天下之民害清天下之冗  
食利輩  
大乎此

建昌路通

爵賞列封餘  
誰為作主有此錫書之舉

先帝龍興既升三殿享錦之殿朝上天下賜羊灶下連  
車平斗木匠廚養咸得金紫驛王乘軒呼殿職者怪  
之矣

兵部尚書霍維華同籍○太學士魏廣微卒 創詞臣

楊汝成閃仲儼馬之驥劉垂寶貨逢聖科臣劉先春虞  
廷陞臺臣徐楊先部臣馬任遠等籍

是時被劾者不日門戶則曰邪黨善類空而正氣寒  
矣其外尚有翰林科道部屬等楊世芳李康先汪始  
亨何早俞肇脩沈榮江世用沈景初袁瓚科蕭命官  
汪輝略從子陳以瑞孫元化謝奇舉張其亮張雲  
吳牲梁元柱李懋芳張捷白諸紹周用賓汪起  
胡汝楠杜詩王夢尹王樂業浩沈應時周汝弼蔡有  
聲郭尚賓唐大章劉弘訓榮克順賴其仁杜應嘉  
一中等不下一二百人筆不勝書嗟夫諸君子身  
而姓字益馨乃知門戶邪黨不足以埋沒  
魏張騷遠不度群臣絀以舉朝須臾與有一人陳鼎

省、先帝質天、新主御極、御史劾惟垣、雖上疏言之、然止影射、未敢直糾、而貢生錢嘉徵乃上其十大罪、一日並帝、二曰蔑后、三曰弄兵、四曰無二祖、列宗、五曰尅剝藩封、六曰無聖、七曰濫爵、八曰掩邀功、九曰股民、十曰通同閹節、上覽疏大怒、召忠賢至、御前諭之曰、爾事先帝、歷練有年、豈功諸務多資拮据、別奸黠獎、夙著勤勞、朕所鑒知、何以外邊紛紛、講你不奸、忠賢再三叩頭強辯、上曰、罕這貢生錢嘉徵、本與他看、忠賢曰、俺朝家事、一箇秀才兒、便談論、何体統、求、爺爺處他、上曰、你不知他、其中所說的、何等惡跡、命左右讀與他聽、讀竟、忠賢魂魄皆喪、希首請死、上曰、尔且下去、忠賢出、遂有解珮、我主事錢元勳、陸澄源、疏、疏至、而鳳陽守陵之旨下矣、

八月二十二日申時、上崩于乾清宮、上無嗣、遺命

以信王承繼大統、文武羣臣、軍民耆老、進箋請登

位、王下令旨、懇辭至再三、而後允、今上于二十四



日 卽皇帝位文武百官朝賀收元以明 正月爲  
崇禎元年頒詔大赦天下 使聞知○上力行 皇帝  
尊謚曰達天闡道教孝篤友誼文襄武端靖穆莊哲皇  
帝廟號熹宗奉安德陵 聖明御極善政聿新萬年之  
長左右史詳証之草莽之臣未敢臆頌也